

續
文
獻
通
考

續文獻通考卷之二百七

皇明進士雲間王圻纂輯

氏族考 總論

通鑑外紀曰伏羲制嫁娶正姓氏以重人倫之本而使民不瀆

夏書曰錫土姓言因其所生之土而錫之

國語曰司商協名姓

司商掌賜族受姓之官商金聲清人始生吹律合之定其姓名

傳曰保姓受氏以守宗祊世不絕祀無國無之

傳曰姓者生也以此為祖今之相生雖下及百世而此姓不改族者屬也與其子孫共相聯屬其旁支別屬則各自為氏

史記註曰天子賜姓命氏諸侯命族族者氏之別名也姓者所以統繫百世使不相別也氏者所以別子孫之所出故世本之篇言姓則在上言氏則在下也

許氏說文曰姓人所生也姓之爲字因女以從生女生亦聲也

白虎通曰人所以有姓者何所以崇恩愛厚親親遠禽獸別婚姻也故紀世別類使生相慶死相哀同姓不得相娶皆爲重人倫也姓者生也人稟天氣所以生者也詩云天生蒸民尚書云平章百姓姓所以有百者何以爲古者聖人吹律定姓以紀其族人各具五常而生正聲有五宮商角徵羽轉而相推五五二十五轉生四時異

氣殊音悉備故姓有百也所以有民者何所以貴功德
下伎力或氏其官或氏其事聞其事即可知矣所以勉
人爲善也或云王父字者何所以別諸侯之後爲興滅
國繼絕世也王者之子稱王子王者之孫稱王孫諸侯
之子稱公子公子之子稱公孫公孫之子各以其王父
字爲氏故春秋有王子瑕論語有公孫賈又有衛公子
荆公孫朝魯有孟氏仲氏叔氏季氏楚有昭屈景氏齊
有高國崔盧氏以知其子孫也

風俗通曰萬類之中惟人爲貴春秋左氏傳官有世功即
有官族邑亦如之公羊譏衛滅邢論語貶昭公娶於吳
謹同姓也蓋姓有九或氏於號或氏於謚或氏於爵或

氏於國或氏於官或氏於字或氏於居或氏於事或氏於職以號唐虞夏殷也以謚戴武宣穆也以爵王公侯伯也以國曹魯宋衛也以官司徒司馬司寇司空司成也以字伯仲叔季也以居城國園池也以事巫卜陶匠也以職三鳥五鹿青牛白馬也

自族別而爲姓姓別而爲望望別而爲房故姓多則訛其族望多則訛其姓房多則訛其望必然之理也今夫劉氏一族自堯陶唐氏至秦爲劉氏而其姓有六嬌氏一族自舜別爲姚氏至齊王建之子別爲王氏而其姓有四若是則姓多而訛其族杜氏一姓自杜伯之後爲杜城杜氏王赫子威之後爲濮陽杜氏一姓而五望張氏

一姓自常山王耳之後爲河間張氏至唐相亮爲鄭州張氏一姓而十望若是則望多而訛其姓清河崔氏一望而三房博陵崔氏一望而四房趙郡李氏一望而六房隴西李氏一望而四房則房多而訛其望

雜編曰凡姓族異者所以別異人也猶萬物皆有名以相別也天子賜姓賜氏諸侯但賜氏不得賜姓杜預云舜生嬀汭賜姓曰嬀封舜之後於陳以所封之土命爲氏故舜後姓嬀爲氏曰陳鄭驥異義云炎帝姓姜太皞之所賜也黃帝姓姬炎帝之所賜也堯賜伯夷姓曰姜賜禹姓曰姁賜契姓曰子賜稷姓曰姬是天子賜姓也諸侯賜卿大夫以氏若同姓公之子曰公子公子之子曰

公孫公孫之子其親已遠不得上連於公故以王父字爲氏若適夫人之子則以王父字伯仲爲氏若魯之仲孫季孫是也若庶妾之子則以王父字爲氏若展氏臧氏是也其異姓則以父祖官及所食之邑爲氏以官爲氏者則司馬司城是也以邑爲氏者則韓趙魏是也凡賜氏族者子孫爲卿有大功德則生賜以族若叔孫得臣是也雖公子之身有大功德則以公子之賜爲族若仲遂是也其無功德死後乃賜族若無駭是也若子孫不爲卿其君不賜族則子孫自以王父氏爲族

白孔六帖曰前漢去右末遠風俗質畧故太上皇無名母媼無姓然唐宰相世系表叙劉氏所出云晉士會適秦

歸晉有子留於秦自爲劉氏秦滅魏徙大梁生清徙汴
生仁號豐公生熒字執嘉生四子伯仲邦交邦漢高帝
也高帝之父漢史不載其名而唐史乃載之亦可一笑
南史俞姓在江東最爲寒族梁武欲加俞藥以口爲喻力
辭而止且曰江東俞錢無君子姓不可不改也大抵六
代重門地故以蔭叙爲崇唐宋重學業故以科第爲重
魏道武太和十三年下詔以北人謂土爲拓后爲跋魏之
先出于黃帝以土德王故爲拓跋氏夫土者黃中之色
萬物之元也宜改姓元氏請功臣舊族自代來者姓或
重複皆改之

魏帝雅重門族以范陽盧敏清河崔宗伯滎陽鄭義太原

王瓊四姓衣冠所推咸納其女以充後宮隴西李冲女亦爲夫人詔司徒左長史宋弁定諸州士族多所升降又詔以代人穆陸賀劉樓千稽尉八姓自太祖已降勲著當世位盡王公者具下司州吏部勿充假官一同四姓自此以外應班士流者尋續別勅其舊爲部落大人而皇始以來三品官在給事以上及品登王公者若非大人而皇始以來三世官在尚書以上及品登三公者俱爲姓其大人之後而官不顯者本非大人而官顯者俱爲族令司空穆亮尚書陸琇等詳定務令平允因下詔爲六弟聘室前者所納可爲妾媵咸陽王禧聘故隴西李輔女河南王幹聘故郡穆明樂女廣陵王羽聘

榮陽鄭平城女潁川王雄聘故范陽盧神寶女始平王
勰聘隴西李冲女北海王詳聘榮陽鄭懿女衆議以薛
氏爲河東茂族帝曰薛氏蜀也豈可入郡姓直閣薛宗
起執戟在殿下出次對曰臣之先人漢末仕蜀一世歸
河東今六世相襲非蜀人也陛下貴帝之胤受封北土
豈可亦謂之胡耶今不預郡姓何以生爲乃碎戟于地
帝徐曰然則朕甲卿乙乎乃入郡姓仍曰卿非宗起乃
起宗也

唐太宗貞觀中上命吏部尚書高士廉黃門侍郎韋挺禮
部侍郎今狐德菜中書侍郎岑文本撰氏族志上之先
是山東人士崔盧李鄭諸族好自矜地望雖累葉陵替

苟他族欲爲婚姻必多責財幣或捨其鄉里而妄稱名族或兄弟齊列而更以妻族相凌上惡之命士廉等徧賁天下譜牒質諸史籍考其真僞辯其昭穆第其甲乙褒進忠良貶退奸逆分爲九等士廉等以黃門侍郎崔民幹爲第一上曰漢高祖與蕭曹樊灌皆起閭閻布衣至今推仰以爲英賢豈在世祿高氏偏據山東梁陳僻在江南雖有人物何足言哉況其子孫才行衰薄官爵凌替而猶卬然以門第自負世人求與爲婚多輸金帛我不知其解也今欲釐正差訛舍名取實而卿曹猶以崔民幹爲第一是輕我官爵而徇流俗之情耳乃更命刊定專以今朝品秩爲高下于是以皇族爲首外戚次

之降崔民幹爲第三凡二百九十三姓千六百五十一
家頒于天下高宗顯慶四年改氏族志爲姓氏錄許敬
宗以其書不叙武氏本望奏遣禮部郎中孔志約等比
類升降以后族爲第一等其餘悉以官品高下爲準凡
九等士率以軍功致位五品與士流時人謂之勲格初
太宗修氏族志山東著姓例降一等王妃主壻皆取勲
臣家不議其族而魏徵房玄齡李勣皆咸與爲婚左右
之由是舊望不減或一姓之中更分其房其眷高下懸
隔李義府爲其子求婚不獲恨之故以先帝之旨勸上
矯其弊壬戌詔後魏隴西李寶太原王瓊榮陽鄭溫范
陽盧子遷盧溫盧輔清河崔宗伯崔元孫前燕博陵崔

懿晉趙郡李楷等子孫不得自婚姻仍定天下嫁女受財數然族望爲時所尚終不能禁或載女竊送夫家或女老不嫁終不與異姓爲婚其衰宗落譜昭穆所不齒者往往反自稱禁婚家益增厚價矣

武后嘗問張說曰諸儒言氏族皆本炎黃之裔則上古乃無姓乎說曰古未有姓若夷狄然自炎帝之姜黃帝之姬始因所生地爲姓其後天子因生以賜姓黃帝二十五子而得姓者十四德同者姓同德異者姓殊其後或以國或以官或以王父之字始爲賜父乃爲姓唐虞抵戰國姓族漸廣周衰列國既滅其民各以舊國爲氏下及兩漢人皆有姓故姓之以國者韓陳許鄭魯衛趙魏

爲多后曰善

柳冲蒲州虞鄉人父楚賢大業中爲河北縣長冲好學多
所研總景隆中修國史初太宗命諸儒撰氏族志甄差
群姓其後門胄興替不常冲請改修其書帝詔魏元忠
等及冲共取德功時望國籍之家等而次之會元忠等
相繼物故先天時睿宗復詔冲討綴書廼成號姓系錄
後柳芳著論甚詳今刪其要芳之言曰氏族者古史官
所紀也昔周小史定繫世辨昭穆故古有世本錄黃帝
以來至春秋時諸侯卿大夫名號繼統左丘明傳春秋
易言天子建德因生以賜姓胙之土命之氏諸侯以字
爲氏以謚爲族昔堯賜伯禹姓曰姒氏曰有夏伯夷姓

曰姜氏曰有呂下及三代官有世功則有官族邑亦如
之後世或氏於國則齊魯蔡吳氏於謚則文武成宣氏
於官則司馬司徒氏於爵則王孫公孫氏於字則孟孫
叔孫氏於居則東門北郭氏於職則三鳥五鹿氏於事
則巫卜匠陶於是受姓命氏粲然衆矣秦既滅學公侯
子孫失其本系司馬遷父子廼約世本修史記因周譜
明世家廼知姓氏之所由出先王之封既絕後嗣蒙福
猶爲彊家漢高帝興徒步有天下命官以賢詔爵以功
誓曰非劉氏而王無功而侯者天下共誅之先王公卿
之胄才則用不才棄之不辨士與庶族然則始尚官矣
然猶徙山東豪傑以實京師齊諸田楚屈景皆有姓也

其後進拔豪英論而錄之蓋七相五公之所由興也魏氏立九品置中正尊世胄卑寒士權歸右姓矣其州大中正主簿郡中正功曹皆取著姓士族爲之以定門胄品藻人物晉宋因之始尚姓矣然其別貴賤分士庶不可易也于時有司選舉必稽譜籍而考其真僞故官有世胄譜有世官賈氏王氏譜學出焉由是有譜局令史職皆具過江則爲僑姓東南則爲吳姓山東則爲郡姓關中亦號郡姓代北爲虜姓虜姓者魏孝文帝遷洛有八氏十姓出於帝宗屬或諸國從魏者三十六族九十二姓世爲部落大人並號河南洛陽人郡姓者以中國士人差第閥閱爲之制凡三世有三公者曰膏粱有令

僕者曰華腴尚書領護而上者爲甲姓九卿若方伯者爲乙姓散騎常侍大中大夫者爲丙姓吏部正員郎爲丁姓凡得入者謂之四姓北齊因仍舉秀才州主簿郡功曹非四姓不在選故江左定氏族凡郡上姓第一則爲右姓太和以郡四姓爲右姓齊浮屠墨剛類例凡甲門爲右姓周建德氏族以四海通望爲右姓隋開皇氏族以上品茂姓則爲右姓唐正觀氏族志凡第一等則爲右姓路氏著姓畧以盛門爲右姓柳冲姓族系錄凡四海望族則爲右姓不通歷代之說不可與言譜也今流俗獨以崔盧李鄭爲四姓加太原王氏號五姓蓋不經也夫文之弊至于尚官尚官之弊至于尚姓尚姓之

弊至于尚諛隋承其弊不知其所以弊迺反古道罷鄉

舉離地著

直署及附也

尊執事之吏於是乎士無鄉里里無

衣冠人無廉耻士族亂而庶人僭矣故善言諛者繫之地望而不感質之姓氏而無疑綴之婚姻而有別山東之人質故尚婚婭其信可與也江左之人文放尚人物其智可與也關中之人雄故尚冠冕其達可與也代北之人武故尚貴戚其泰可與也及其弊則尚婚婭者先外族後本宗尚人物者進庶孽退嫡長尚冠冕者畧伉儷慕榮華尚貴戚者徇勢利亡禮教四者俱弊則失其所尚矣人無所守則士族削士族削則國從而衰管子曰爲國之道利出一孔者王二孔者彊三孔者弱四孔

者亡故冠婚者人道大倫周漢之官人齊其政一其門
使下知禁此一孔也故王魏晉官人尊中正立九品鄉
有異政家有競心此二孔也故彊江左代北諸姓紛亂
不一其要無歸此三孔也故弱隋氏官人以吏道治天
下之人行不本于鄉黨政煩於上人亂於下此四孔也
故亡唐承隋亂宜救之以忠厚忠厚則鄉黨之行修鄉
黨之行修則人物之道長人物之道長則冠冕之緒崇
冠冕之緒崇則教化之風美迺可與古參矣晉賈弼撰
姓氏簿狀甄析士庶無所遺宋王弘劉湛好其書弘每
口對千客可不犯一人謬湛爲選曹撰百家譜以助銓
序王儉又廣之王氏之學本於賈氏唐興言譜者以路

敬淳爲宗柳冲韋述次之李守素亦明姓氏時謂肉譜
至魏太和時詔諸郡中正各列本土姓族次第學選
格名曰方司格人到于今稱之

呂才序宅經曰近世巫覡妄分五姓如張王爲商武庚爲
羽似取諧韻至柳爲官趙爲角又復不類或同出一姓
分屬官商或複姓數字莫辯徵羽此事不稽古義理乖
僻者也

類苑曰氏族之譌久矣凡將邢茅胙祭周公之胤也此三
者實一姓也自分爲三派寢遠寢忘則爲三姓矣退之
所謂徐與秦俱出韓與何同姓之類是也楊于雲于蜀
無他揚今此揚姓亦皆雜於楊矣錢鏐有吳越吳越之

人避其諱以劉去偏旁而爲金王審知據閩閩人避其諱以沈去水而爲尤二姓實一姓也今之稱復姓者皆從省文如司馬則曰馬諸葛則曰葛歐陽則曰歐鮮于則曰于如此之類甚多相承不已復姓又將混於單姓矣唐末貞元年十二月淳于姓改爲于以音與憲宗名同也至今二千無復可辨如豆盧蓋唐大族欽望瑒輩皆嘗爲相而此姓今不復見其始混于盧耶按瑒瑒陽葛氏自諸縣遷來者恐無所別因目爲諸葛氏則諸葛源止姓葛也

山堂李氏曰按左氏之書于長之史記其載諸國姓氏與夫世裔多有可疑者春秋之時諸侯之國凡一百十五可以知其姓與爵者四十有六晉楚之類是也可以知

其姓而不可以知其爵者一十有八焦陽之類是也可
以知其爵而不可以知其姓者一十有七沈之類是也
其爵其姓皆不可得而知者三十有二陸渾之類是也
不知其姓不可得而見之矣而知其姓者又不可究信
如以趙爲芊姓而子長又以爲姬姓以邴姓曹國爲重
黎之後又以爲吳國之後此其言異同固不足論至於
姜氏爲伯夷之後又以爲四岳之後是其言自相異同
也舜之咨四岳有能典朕三禮僉曰伯夷若以四岳爲
伯夷則是夷自薦其才也豈其然乎此左氏之言姓氏
所以爲可疑也子長之史記始於黃帝迄於漢武天子
世次見於帝紀諸侯世次見於世家夏之後則爲杞商

之後則爲宋以其世家本紀併而考之則其苗裔歷歷可稽至於滕薛邾郕之屬雖其事見於春秋而其世次之不傳者又不可盡信堯乃舜之從高祖而舜乃妻其女鯀乃舜五世從叔公與舜同爲堯臣湯與王季同世也湯下傳十六世而爲紂王季傳一世而爲文王二世而爲武王則是文王以十五世祖而臣事十五世孫武王以十四世祖而伐十四世孫必不然矣此子長之叙世次所以爲可疑也大抵去古既遠襲舛承訛無所取正左氏猶然况子長乎子長猶然况班固以下乎左氏嬴姓爲伯翳之後班固又以爲伯益之後韋昭遂以伯翳卽伯益也孟頫達復以伯益爲皐陶之子按史記皐

陶之後封蓼伯醫之後封秦垂伯益之後不知所封是則伯益伯翳皐陶各爲一族翳與益不得爲一人而益不得爲皐陶子矣 又禮書曰姓非天子不可以賜而氏非諸侯不可以命姓所以繫百世之正統氏所以別子孫之旁出族則以氏之所聚而已然氏亦謂之姓故大傳言繫之以姓又言庶姓別於上則氏與姓一也氏亦謂之族故羽父爲無駭庶子隱公命以爲展氏則氏與族一也蓋別姓則爲氏合氏則爲族族無不同氏氏有不同族故八元八凱出於高陽氏高辛氏而謂之十六族是氏有不同族也商氏條氏徐氏之類謂之六族陶氏施氏之類謂之七族摯氏謂之戴族向氏謂之威

族是族無不同氏也

呂氏傳議曰三代之時曰姓者統其祖考之所自出者也
百世而不變者也曰氏者別其子孫之所自分者也數
世而一變者也天子建國因生以賜姓其得姓雖一而
子孫別而爲氏者不勝其多焉有以王父之字爲氏者
矣有以先世之謚爲氏者矣有以所居之官爲氏者矣
有以始封之邑爲氏者矣支分派別千塗萬轍初若參
錯紛亂而難考及徐而觀之有綱有條若指諸掌焉孟
仲季臧東門子叔同出於魯也游國命公父伯張同
出於鄭也向華蕩樂鱗魚仲老同出於宋也樂高崔國
叔仲東郭同出於齊也尋其流可以知其源尋其葉可

以知其根抑何易耶自秦漢以來氏族之制出於上之所賜下之所更者絕無而僅有至於世守一氏傳千餘年而不變者天下皆是也其變非若古之屢其列非若古之多可謂簡而易知者矣然人罕有能辯氏族之原者王之氏一也吾不知出於元城之王耶宜春之王耶邛城之王耶劉之氏一也吾不知出於陶唐之劉耶奉春之劉耶元海之劉耶其能明辯而不惑者鮮矣氏之馬者未必能辯其馬服之馬及馬矢之馬也氏之石者未必能辯其周衛之石及後趙之石也古之氏族繁而知之者反多今之氏族簡而知之者反少蓋由譜牒之興廢而已以是知譜牒之學不可不講也

路史曰古者司商以協民姓民庶之家無妄改也後世官
曆之書反著天老乞姓之文此何爲耶且世之妄說者
如以雙姓爲出蒙雙竒姓爲出伯竒愚出愚公度出度
支軍出冠軍皇出三皇春則自於春申有則自於有巢
居本於先且居西本於西門豹芻因於牛哀之食芻茲
因於才子之宜茲審出於面勢之審曲此何典故又若
以童出於老童洪出於共工箕出於商紂伊繇唐堯昌
繇昌意累出嫫祖聃出聃季載而卑本於卑耳之國其
妄謬可勝槩耶夫山名非必從山鳥名非必從鳥草木
之名豈皆旁施草木魚虫之字奚必側設魚虫是則國
邑之名古之從邑者甚少邾郕郕之類豈皆因失國

避難而去邑耶至張納碑言張本張星柳敏碣言柳固
柳宿益無所據矣且盧雷陳甄既云聲轉仇求棗棘則
謂仇改豈惟不學之過哉亦不識字之所致也東方生
曰東來爲棗而棗陽本棘陽也予是以知棘祇棘據之
改爲棗非避仇也世之避翼祖諱者析其字爲文苟二
字而不知翼祖之諱不從文不從苟也昔魯之公索氏
將祭而忘其姓人以是卜其必亡而隨之文帝惡隨之
從走乃去其走以爲隋不知隋自音妥尸祭鬼神之物
殺裂落肉之名也卒之國以隋裂而終矣書名之昧其
禍如是君子可不知所戒哉

通志序畧曰宋朝先正嚴於姓氏之別如希文少依母氏

冒朱姓已稱朱學究矣既長知其世家泣從范氏其視
滕公從外家而姓孫所見遠矣武襄遠祖狄梁公已有
誥身可驗也公以一時遭際不敢浼梁公之後其視郭
崇韜哭郭子儀之墓所得多矣若夫司馬聳聽北遼小
范之稱驚動西夏則知姓氏以人物而榮子厚無行有
玷郇公京卞僉邪借名端明則知姓氏以人物而辱或
榮或辱皆由乎人彼區區冒姓亦何益哉

白孔六帖曰士人以氏族相尚雖從古有之然未嘗著盛
自魏氏取前世仕籍定以博陵崔范陽盧隴西李滎陽
鄭爲四族唐高宗時又增太原王清河崔趙郡李通謂
七姓然地勢相傾更相非詆各自著書盈編連簡殆數

士家至于朝廷爲之置官撰定而流俗所徇煽以成俗
雖國勢不能排奔隴西李氏乃皇族亦且列在第二其
重族望如此

王介州集曰江左門高故稱王謝其次則顧陸朱張淮
北則推崔盧李鄭崔浩宗雖滅而貴不衰隴西之李居
次唐文皇以人主之勢發憤而望不蓋江左見併于隋
故王謝少減瑯琊之王初在太原上而隋唐之際太原
漸貴至宋益貴是亦乘除之數也雖然謝安得比王王
自瑯琊太原爲周靈王太子後北海陳留爲齊田和後
東海亦曰姬姓天水九姓爲王子比干後高平京兆爲
信陵君後又有出自楚威王後者而謝無聞也王于義

大也君也天地人一貫三爲王而謝義辭謝也又凋謝也王氏二十一望而謝二望王氏無論漢郎未渡江以前而爲公卿著名者十餘人謝固廖廖也始興華輅之勲與廬陵雍容之業又倍蓰也謝侯得比王 張王李趙皆黃帝所賜姓也王氏二十一望最貴者瑯琊大原也謝二望會稽爲貴崔二望清河博陵俱貴盧氏一望范陽李氏十一望趙郡最貴隴西次之唐卽隴西望也鄭五望滎陽爲貴顧一望吳郡陸二望朱四望張十四望梁氏所重三姓皆吳郡耳十姓之外劉二十五望而彭城最貴其先陶唐氏也蕭二望蘭陵最貴趙五望天水最貴楊二望弘農爲貴周八望陳徐皆六望唐五望

續文獻通考卷之二百七終

續文獻通考

卷之三百七

十六

二十五

續文獻通考卷之二百八

皇明進士雲間王圻纂輯

氏族考 氏族源流上

應城陳士元曰姓氏所繇來曼矣粵稽古典如大駟氏之

後有隗氏大隗氏大嵬氏出姓鬼駟氏出姓之後有嵬氏饒

氏撓氏利氏鬼駟氏出替夫論厯鬼氏出姓之後有厯氏鬼氏出元

和姓渾沌氏出姓之後有渾氏沌氏屯氏出姓吉夷氏出姓之後

有吉氏出姓史倉氏出姓之後有倉氏史氏侯氏侯岡氏夷

門氏倉頡氏出姓栢皇氏出姓之後有栢氏栢常氏栢侯

氏白侯氏出姓中黃氏出姓之後有中央氏中黃氏出姓及六韜

大庭氏出俗之後有大氏大庭氏出俗風栗陸氏出俗之後有栗氏

陸氏昆連氏之後有釐氏驪氏

並出路史

赫胥氏之後有赫

氏赫胥氏

俗出風通

葛天氏之後有葛氏權氏

出姓苑

尊盧氏

之後有尊氏尊盧氏罇氏

出纂要文

祝融氏之後有祝氏融

氏祝宗氏祝和氏祝融氏

出姓譜及白虎通

吳英氏之後有吳

氏

俗出風通

有巢氏之後有巢氏

出路史巢父其後

朱襄氏之後有

朱襄氏

出郭氏姓解

陰康氏之後有陰氏零氏無懷氏之後

有懷氏無懷氏

並出姓纂

然年代迥遠世派難詳故惟昉自

伏羲總括傳衍俾源同流異流同源異者得以攷辨

太昊伏羲氏之系第一

伏羲生咸鳥咸鳥生乘釐是司水土乘釐生厚炤厚炤生

顧相降處于巴是為巴人

出華志

巴人五子為五姓有巴

氏樊氏憚氏相氏鄭氏世居武落山有赤黑二穴巴氏

居赤穴四姓居黑穴未有君長共立巴氏子務相是為

廩君徙居夷城後有顧相氏務相氏出蜀志其遷漢中者

為車巴遷畧陽者為巴氏漢高帝發巴氏還三秦復

其渠帥七姓有羅氏朴氏督氏鄂氏度氏夕氏龔氏出漢書

西晉時李特巴種巴據梁益稱帝號成六世而亡

後有李

伏羲風姓後有風氏佩氏風氏觀氏出纂文風后為黃帝

臣國在沔之景陵

黃帝封伏羲之後於任為巳姓有任氏巳氏出路史

夏禹封伏羲之後於庖為姁姓有姁氏庖氏出世譜

周武王封伏羲之後於宿乃有密宿須句顓臾邑於沌
上以為東蒙主後滅於魯有臾氏顓臾氏東氏東蒙氏

胸氏須胸氏宿氏罔氏密氏

史出路

伏羲之後又有伏氏慮氏宓氏服氏犧氏戲氏希氏包

氏炮氏鮑氏

出帝紀

伏羲之弟郝骨氏

唐表作郝省

裔孫子期帝乙封於太原後

有郝氏郝骨氏

出姓纂

炎帝神農氏之系第二

少典氏娶有喬氏女曰安登生子二人長襲少典氏是為

黃帝之祖次為炎帝神農氏神農生子十有三人數世

而有炎帝器器生子三人曰鉅曰伯陵曰祝融

出山海經

鉅爲黃帝師受封土謂之封鉅夏有封父封文侯至周

失國後有封氏鉅氏巨氏封父氏富父氏

出世本

伯陵爲黃帝臣姓封逢改封齊生子三人曰及曰皐曰

延及之後有戕爲堯臣皐與延始作編鐘皐生靈恕靈

恕生氐人後有逢氏蠡氏及氏延氏氐氏齊氏

後漢有氐人齊

鍾魏書孟觀擒氐人齊萬年

祝融爲黃帝司徒生術囂術囂生子二人曰條曰勾龍

條喜遠遊死爲祖道之神

風俗通作共工之子修非是

句龍爲后

土後世祀于社生子二人曰垂曰信 信生齊父善走

爲丹朱臣有齊氏句氏句龍氏 垂爲帝嚳臣又爲堯

臣生伯夷封于呂其別派封于申許許由之後有由余

氏余氏 伯夷生太岳太岳生先龍先龍生玄氏其別

派為青白蜎之三氏有羗氏羗戎氏楊氏齊書曰楊氏符氏並畧陽

種蒲氏蒲洪改為苻氏苻健據長安稱帝號秦五世而

亡

周武王封太岳之後于申申伯為周卿而楚侵其壤宣

王封元舅申伯于謝後有宇氏申氏申叔氏申鮮氏謝

氏射氏三輔錄云後漢謝姓改姓射宇文氏周賜申徽為宇文氏大野氏魏賜

為大野氏許之文叔興于許其後許靈公徙葉悼公徙城父

曰焦夷二十有四世滅于鄭後有許氏邾氏叔氏函氏

禮氏容城氏錫我氏買氏止氏焦氏譙氏岳氏文氏苴

氏苴人氏出左傳類解 呂侯為穆王司寇訓刑宣王時始

稱呂甫後有呂氏旅氏呂祖氏甫氏共氏龔氏葉羅氏

唐葉羅真本始呂為
回紇妻于四從其姓

商周之際有呂涓字子牙文王

以為友是為尚父太公望武王封之營陵曰齊十五世
小白霸于諸侯又數世而田和移其祚蓋立國七百餘

年後有丁氏牙氏丘氏尚氏左氏洧氏國氏晏氏賓氏

平氏紀氏癸氏柴氏苑氏慶氏掌氏賀氏厲氏獻氏易

氏豎氏年氏氏氏是氏

漢末北海氏
儀改姓是

樂氏襄氏牽氏捷

氏責氏營氏柯氏析氏其氏裔氏壬氏角氏望氏紹氏

荼氏駱氏弦氏旗氏明氏靈氏孝氏彥氏閻氏門氏桓

氏亘氏

宋紹興二年桓氏
避廟諱改姓亘

威氏齊氏蓋氏鐸氏暢氏李

氏

邢紱以唐
諱改姓李

其複姓者有子旗氏子雅氏子尾氏子襄

氏子囊氏子剡氏子工氏子牽氏子淵氏子泉氏子黔

氏子公氏公齊氏公旗氏公哲氏公羊氏公牛氏公牽

氏公翰氏毋知氏祭公氏仲長氏諸兒氏士彊氏樂利

氏齊季氏申鮮氏將其氏雍門氏東門氏東宮氏西宮

氏南史氏邴意氏獨孤氏

後周賜高賓為獨孤氏

宇文氏

西魏後周賜崔

宣猷士謙忱皆為宇文氏

東郭氏西郭氏南郭氏北郭氏左子氏右

子氏其以采者有丙氏邴氏艾氏隰氏高氏劇氏棠氏

高堂氏檀氏灌檀氏禰氏龐氏崔氏移氏若氏丁若氏

陸氏大陸氏并氏百里氏西乞氏白乙氏余氏佘丘氏

蛇丘氏閭丘氏鉏丘氏籍丘氏咸丘氏梁丘氏廩丘氏

蒲盧氏廬蒲氏其封於汲者為汲氏

或作汲

封於廬者為

廬氏倭氏柴氏其支於章者為章氏彰氏鄣氏章氏

漢章掩始加仇申章氏赤章氏赤張氏廬若虛錄太公之後止有四十八姓而唐扶碑

乃有三閭氏葵氏之類皆非是

炎帝器數傳而有炎帝參盾是為榆罔黃帝封之于潞

以主炎帝之祀于陳潞子之裔城于晉復有潞氏路中

氏露氏申氏榆氏留吁氏春秋宣公十五年晉人滅赤狄潞氏十六年晉人滅赤狄

甲氏及留吁註云潞氏潞之支胤繁于河北河東商周甲氏留吁赤狄別種也

別為赤白之族膚咎如落鼻揚拒泉鼻伊維之戎左傳

二十三年狄人伐膚咎如註云膚咎如赤狄別種隗姓也又閔公二年晉伐東山落鼻氏註云落鼻赤狄別種

也又僖公十一年揚拒泉鼻伊維之戎同伐京師註云揚拒泉鼻皆戎邑後有隗氏狄氏落

氏落鼻氏戎氏戎子氏袁紇氏斛律氏解批氏烏護氏

骨氏壹利吐氏異其斥氏回乾九姓回乾氏僕固氏

即拔野古氏同羅氏思結氏契苾氏阿思可氏骨崙氏高車十二族乞伏利氏叱

六連氏窟賢代氏達廬于氏阿崙氏莫乞氏侯今氏副伏羅氏乞表氏布收沛氏皆其派也其

戎子遁居朔野有葛烏釋者世統鮮卑故又有侯斤氏

侯汾氏渝汾氏嗣汾氏侯畿氏而侯汾之派則又有宇

文氏宇氏昔氏侯豆氏庫莫奚氏費也頭氏唐表也阿

會氏莫賀弗氏李氏唐元和三年賜奚酋長索低為李氏

炎帝姜姓姜之支國十有三曰怡曰伊曰紀曰淳曰甘

曰州曰舟曰駘曰戲曰向日薄曰列曰賴

夏禹封怡以祀烈山是為黔台商陽分于離支是為孤

竹商季伯夷叔齊讓國中子仲憑立後有竹氏竺氏殷

書謂夜即竹侯以剖竹得
兄姓纂謂竺出天竺俱妄孤竹氏孤氏墨氏墨台氏然

怡氏怡氏台氏 伊耆之胤有伊摯為湯阿衡是為伊

尹後有伊秩氏耆氏伊氏伊耆氏伊祈氏尹氏阿氏衡

氏衡伯氏出風俗通 紀侯失國以其弟奉鄫入齊後有紀

氏邢氏裂氏雋氏鄭氏 淳之後有淳氏淳于氏于氏

甘滅于夏州滅于杞舟駘戲向薄至周猶存列賴滅

于楚後有甘氏州氏舟氏駘氏戲氏向氏出潛夫論列氏賴

氏隨氏

姜之派又有烈氏烈山氏列山氏出風俗通厲氏厲山氏巫

氏神氏後漢神曜傳云出神農 農氏靈氏節氏藥氏山氏鄒屠氏

原出姓

軒轅氏黃帝之系第三

黃帝元妃西陵氏生子三人曰昌意曰玄囂曰龍苗次妃
方壘氏生子二人曰休曰清第三妃彤魚氏生子二人
曰揮曰夷彭第四妃嫫母生子二人曰蒼林曰禺陽凡
妃之子九人庶妾之子十六人共二十五人別姓者十
二祈酉膝箴任荀釐佶儼依及禺陽夷彭爲二紀也其
十三人皆姬姓

黃帝元妃西陵氏長子昌意之系

昌意姬姓生子三人長曰乾荒次曰安季曰悃

乾荒生帝顓頊是爲高陽氏顓頊元妃鄒屠氏生啓明
又生八凱曰倉舒曰伯益曰檮杌曰大臨曰麗江曰庭

堅曰仲容曰叔達 蒼舒之後有蒼氏蒼舒氏淵氏

伯益字斟斨斟斨佐舜澤虞是爲百虫將軍嵩山有廟

佐禹治水封于崇出左禹讓以位辭焉年逾二百歲出

史支庶分封大敖後有伯氏聖氏梁氏敖氏虫氏 禱

演之後有禱氏 大臨之後有臨氏 龐江之後有龐

氏 庭堅封安後裔分封蓼安蓼並滅於楚後有安氏

蓼氏安即六也六乃臯陶仲容之後有容氏 叔達

之後有達氏叔達氏 駱明生伯鯨伯鯨生禹禹娶塗

山氏生子二人曰啓曰均啓繼夏后者也均生固固生

伎來伎來生循幹其裔居堯牟山號突厥寶歷魏晉十

伐而屬蠕蠕其後滅蠕蠕是爲阿史那氏又分爲史氏

禹之支子有封於辛國者辛甲事紂七十五諫不從
文王以爲史封之長子昭王南征辛繇靡爲御拯王而
俱溺封其子于西翟後有辛氏討氏司空氏宇文氏
晉屯氏魏賜崇侯臧于文王後有崇氏魏封十崇啓
維夏后生太康太康之弟五人分封于衛是爲五觀其
支于莘者爲莘氏辛氏姓氏觀氏卜氏出世仲康生相
恭狶之仲康之支封于鄧者爲鄧氏出寧相生少康少
康生子九人長帝杼杼封其弟相列于繒後爲莒所滅
有緄氏鄒氏魯氏又封扞于埤中處會稽以奉禹祀是
爲無餘歷數十傳而爲編氓至東周時有曰無壬者百
姓率而君之是爲甌粵東粵無壬生皞皞生元常國始

大元常生執莢是爲勾踐滅吳而霸焉七世無顯遷位
其弟無疆又破於楚族散江南海上于越東野勾餘姑
於迭爲君長無疆之長子居瑯琊次子蹄守甌餘之陽
後有歐氏謳氏漚氏餘氏烏氏烏餘氏甌氏歐侯氏歐
陽氏歐羊氏無疆之庶子無諸及餘善無諸保泉山居
閩中餘善與孫搖分保海之東隅謂之三越而吳門姑
越漚句章餘復黃林餘浮甌鄧皆其屬也後有駱氏顧
氏閩氏疇氏靈姑氏諸氏搖氏偃氏稽氏多氏植氏莢
氏舌氏余氏越氏 初帝杼之母有仍氏方娠逃難自
竇而出生子曰龍留居有仍爲竇氏六十有九世鳴犢
仕晉後裔入鮮卑拓拔部居代郡爲沒鹿氏紇豆陸氏

魏武時歸華復爲竇氏竇懷正以惡戮賜爲毒氏 帝
好生帝槐槐生帝芒芒生帝不降不降生帝厘厘生胤
甲一作胤胤甲生帝皐皐生帝敬發敬發弟履癸是爲桀
湯放之南巢乃封少康之後于杞以主禹祀後分于魯
東之僂是爲東樓西樓公周興復封東樓之後于杞九
世成公遷于緣陵又十一世而簡公滅于楚弟佗奔魯
封於陽樊後去魯從沛分沛立譙有夏侯氏侯氏杞氏
題氏樓氏僂氏婁氏劉氏丐氏雖丘氏郁釐氏孫氏杞
氏婁敬賜姓劉杞若遊董卓難改姓杞夏禹姒姓也傳十七王共四百五
十二年其以封國爲氏者有伯氏弗氏荆氏鬻氏陽氏
沛氏寔氏鄭氏忱氏寢氏彤氏彤城氏弋氏褒氏淪氏

巢氏男氏有南氏有虞之國以二臣爭權而分宣王時
有南仲者其裔也褒姒以女亡周彤伯事商沈子滅于
蔡姒敬叔仕齊采于鮑為鮑氏包氏 成王封夏公有
夏后公夏氏差氏禹氏 桀之子淳維承桀之衆妾遁
于北野徙葷育又入于冒頓支胤繁盛其後感漢祖和
親乃為劉氏扶羅助漢而死生子豹豹子淵居於離石
西晉時稱漢五世而滅于石勒其別支有勃勃者興於
朔方為赫連氏稱大夏三世而滅于後魏有鉄伐氏雲
氏其始姓虛連題是為纒鞬氏其後又有呼韓氏蘭氏
須卜氏丘林氏雕氏周氏盧氏呼盧古氏宕昌氏宕氏
庫氏党氏渾氏房當氏白狼氏

顓頊次妃勝奔氏生子三人伯備卷章季禺

卷章或作老董季

禺生叔斲卷章娶根水氏生二子曰黎曰回黎為祝融

生二子曰長琴曰噓噓處西極長琴居搖山樂風黎卒

帝嚳以回代之封于吳是為吳回 吳回生陸終其支

庶為陸終氏陸終娶鬼方氏生子六人曰樊曰惠連曰

箴曰求言曰晏安曰季連

路史云一乳產六折左

樊

為己姓封昆吾後有昆氏吾氏昆吾氏

戰國策有昆吾氏楚將吾得扈顧

溫蘇廖並諸斟皆己姓也扈滅于夏啓有扈氏戶氏有

扈氏顧滅于商溫滅于狄有顧氏崔氏溫氏宋氏蘇伯

見伐于紂以妣己免後滅于周有蘇氏司寇蘇之支子

封邠又為邠氏廖之叔安異封于董董父豢龍封于豢

川別爲酸夷又別爲閭龍董廖閭龍滅于夏酸滅于商
後有廖氏颺氏颺氏叔氏董氏侯叟氏青史氏酸氏酸
夷氏融夷氏泰氏閭龍氏閭氏李氏李忠李重諸斟則
有灌潏戈介灌潏滅于夏戈介滅于商後有斟氏戈氏
斟戈氏潏氏尋氏潏氏鄒氏斟灌氏灌氏介氏其已姓
之封于祝產者爲祝產氏 惠連姁姓封于參胡而鄒
子其胤也後有鄒氏偶氏參氏 錢字鏗封于彭是爲
彭祖以養性事堯歷夏商壽七百六十七年夏封其元
孫誓于韋是爲韋而禿暨諸稽舟人皆彭姓也韋遷
于夏暨與諸稽滅于商禿與舟人滅于周錢鏗稱吳越
王百年而入于宋後有錢氏錢氏彭祖氏禿氏舟氏韋

氏豕韋氏伯氏霸氏覽氏壽氏名氏諸氏諸稽氏暨氏

既氏周氏

後賜姓
作時為周

求言邛姓封于儉是為會人其

後滅于重國有儉氏鄒氏會氏僞云路鄒逼夷皆姁姓

也僞侯滅于鄭後有鄆氏焉氏隔氏僞氏云子近楚滅

于若放有云氏貞氏雲氏鄆氏邛氏路鄒逼夷滅于晉

後有路氏鄆氏逼陽氏夷氏詭諸氏晏安封于曹為

曹氏而邾婁驕釋倪莒小邾根牟皆曹姓也武王封曹

挾于邾是為邾婁邾之傳國二十九世而邾支以父武

公伯顏之功封于倪三世居驕從齊尊周是為小邾子

小邾傳國十四世後去邑為朱氏

姓書謂邾春秋後八
世滅為朱氏然哀公

時已有齊而都昌侯朱軫亦其胤也至唐末而溫出乃

夫朱氏

稱後梁至宋時而熹出為世大儒我大明太祖高皇
帝驅夷清夏再闢天地勛超隆古國號大明垂億萬載
無疆之統豈非顓頊之遺烈哉朱之派有侏氏邾氏婁
氏邾婁氏兒氏倪氏邠氏倪黎氏鄒氏騶氏菑氏翼氏
挾氏無婁氏族其氏翟氏且氏鉏從氏茅成氏茅夷氏卑
徐氏茅地氏夷氏儀氏夏父氏捷氏庚氏遽氏繹氏顏
氏仲尼之門顏有八人莒滅于周而根牟滅于魯後有
根牟氏牟氏倻氏牟孫氏季連芊姓音其裔為季
連氏夏禹時居荊州生子附敘始封于熊是為穴熊夏
時有楚狐父周文王時有鬻熊子成王時熊氏叛乃征
之封其子繹于荊居丹陽是為楚十七世通稱王通生

贊遷于郢又十八世橫遷于陳凡三十五世滅于秦後
有荆氏楚氏熊氏附氏穴氏鬻氏粥氏郢氏逞氏能氏
敘氏庠氏沮氏其公族則有成氏啓氏闔氏囊氏賁氏
善氏逯氏祿氏縣氏逮氏審氏側氏庇氏次氏連氏莫
氏佗氏昭氏由氏景氏到氏聲氏晏氏卽氏闍氏尹氏
后氏竟氏秉氏宜氏繹氏酒氏枝氏乘氏保氏春氏鈞
氏陽氏甲氏環氏邛氏武氏莊氏霜氏峭氏舉氏舉氏
雪氏紉氏穿氏稱氏僕氏貴氏嚴氏徵氏庾氏奮氏賀
氏列氏監氏臧氏韻氏屈氏卒氏虔氏翠氏班氏陳氏
張氏李氏其複姓則有關耆氏闔穀氏闔強氏闔繇氏
闔文氏闔班氏闔比氏闔龜氏彌牟氏若敖氏叔敖氏

堵於氏郝敖氏越椒氏罷敵氏上官氏三閭氏五相氏

五參氏諸將氏太宰氏

伯川餘奔吳為太宰

公建氏良臣氏左尹

氏右尹氏申叔氏申公氏楚季氏楚宗氏巫臣氏列宗

氏子南氏子期氏子庚氏子西氏子建氏子午氏子重

氏子季氏子乘氏子千氏子儀氏子木氏尹干氏無鈎

氏無圉氏無宇氏無庸氏餘推氏涉其氏慶父氏襄老

氏王孫氏成王氏黑肱氏舒堅氏來纖氏沉纖氏邑由

氏利孫氏白男氏吉白氏屈南氏耆門氏市南氏伍參

氏嬰齊氏棄疾氏枝如氏伯比氏師祁氏熊率氏熊相

氏倚相氏辛廖氏接輿氏季融氏仲雄氏大心氏藍尹

氏廐尹氏箴尹氏樂尹氏芋尹氏陵尹氏權尹氏莠尹

氏清尹氏郊尹氏工尹氏連尹氏囂尹氏其以邑者則
有馮氏屈氏閻氏尾氏堂氏棠氏蔣氏蘧氏蘧氏巷氏
園氏柘氏拳氏養氏包氏椒氏苗氏荀氏穰氏蒙氏蕩
氏麻氏白氏渦氏淖氏慎氏匡氏貲氏訾氏棘氏棗氏
龍氏俞氏園氏艾氏龔氏聶氏蔓氏萬氏万氏利氏郡
氏主氏本初避廟諱改匡姓為主姓康氏政和時詔民間不得以主為姓改姓康包申
氏鄧陵氏卜梁氏魯陽氏櫟陽氏苞丘氏吳丘氏何丘
氏一作丘軒丘氏商密氏愈豆氏英賢氏武安氏期思氏
田公氏白公氏涇陽氏葉陽氏其居柳者為柳氏堯
封重黎之後為義和後有重氏童氏和氏壘和氏商封
和之後于程有程氏司馬氏程之後有嬰死趙之難有

顓與頤為宋大儒司馬之後有遷作史記有顓與頤
取之是為晉四世棄洛南渡又十一世滅于劉宋
羅歸越實滇唐皆羊姓也後皆入于楚有瓊氏歸氏宗
賓氏羅氏羅侯氏其百濮之胤有濮氏高氏百越之胤
有駱氏駱之分又有李氏李姓駱顓頤始都若水徙
郫商丘後有頤氏王氏若氏商丘氏其長子孺帝之後
有孺氏八凱之後又有凱氏

昌意次子安居于西土是為安息其後有安氏李氏唐

昌意次子安居西方號安息國後漢末遺子世高入
朝因居洛陽後徙遼左又徙武威唐時賜抱玉抱真為

李姓是為
武威李

昌意季子惇遷于北土後統党頊為拓跋氏至釁律生

二子長曰沙莫雄次曰什翼犍 什翼犍生子七人曰

寔和曰翰曰閼婁曰壽雄曰紇根曰力真曰窟咄 寔

君生後魏道武帝改為元氏傳十五世而滅于北齊

初沙莫雄為南部大人號拓拔氏道武為宗室之長改

為長孫氏至孝文以獻帝之長兄為紇骨氏次兄普氏

為周氏又次兄為達奚氏又次兄為伊婁氏改為婁氏

又次兄敦丘氏改為丘氏又次兄侯氏為万俟氏叔父

之後乙旃氏為叔孫氏疏屬車焜氏為車氏是為十姓

又有党氏奚氏乞伏氏什氏乾氏烏氏賀拔氏秃髮

氏郭氏侯亥氏細封氏通志作細封往利氏費聽氏頗超氏

野辭氏通志作野房當氏米禽氏敦氏 乞伏氏有國仁

考稱西秦三世而亡 禿髮氏有烏孤者稱南涼二世而亡 又道武改元覽為元氏太武賜禿髮儁檀為源氏節閔賜周璉為車非氏拓拔思敬以討黃巢功唐賜姓李氏

拓跋是黃帝之苗裔比俗謂土為拓后為跋以黃帝土德而言也 党項之種亦有拓跋氏是為此不同

黃帝元妃西陵氏次子玄囂之系

玄囂姬姓生帝嚳高辛氏

帝嚳元妃有駘氏收育其棄子名曰棄教民稼穡舜封于
潁號后稷娶倍人氏生稷靈稷生叔均世為后稷及
夏之衰有不窋者失其官守窋居尉李不窋生鞠陶鞠
陶生公劉公劉生慶節始國于豳慶節生皇僕皇僕生

帝差弗差生偽喻史記作偽喻生公非公非生高圉高

圉生侯半侯半生亞圉史記無亞圉之弟雲都生祖叔

非是為祖類祖類生亶父是為古公姓雅謂祖類生太公太公生亶父非

也古公避薰鬻居岐陽亦娶有駘氏生子三人曰泰伯

仲雍季歷泰伯與仲雍知古公意屬于季歷乃逃之

荊蠻居梅里荊人義而君之號為吳伯卒仲雍繼之號

仲虞武王封其曾孫仲于西吳亦曰虞仲十二世滅于

晉仲之支孫卿于周封于樊為樊氏樊仲氏卿氏皮氏

虞氏方組于氏姓樊之分有菴氏鄰氏自虞仲滅而

吳始大二十有四世滅于越有燭庸氏厥孫氏常壽氏

夫餘氏皐叟氏胥門氏慶忌氏慶師氏公冶氏公祖氏

公劉氏泰伯氏漆靡氏壽氏餘氏句氏夢氏延氏番氏
夫氏槩氏冶氏闔氏厓氏逸氏常氏開氏周氏古氏蠹
氏禽氏頗氏其以邑者有偃州氏州來氏延陵氏棠谿
氏堂溪氏唐谿氏郁閭氏郁氏鄭氏或氏柯氏成氏梁
氏公氏越之戚吳流其長子馮子妻源而鮑與無錫皆

吳派

鮑一作鄭
郎海陵

季歷居程生文王為西伯至武王而興周武王生成王
誦誦生康王釗釗生昭王瑕瑕生穆王滿滿生共王翳
翳弟懿王囂囂生孝王辟方辟方生夷王燹燹生厲王
胡胡生宣王靜靜生幽王宮涅是為西周宮涅生平王
宜臼乃東遷宜臼生桓王林林生莊王佗佗生釐王胡

齊胡齊生惠王閔閔生襄王鄭鄭生頃王壬臣壬臣生
匡王班班弟定王瑜瑜生簡王夷夷生靈王泄心泄心
生景王貴貴生悼王猛猛生敬王丐丐生元王仁仁生
貞定王介介生哀王去疾去疾弟思王叔叔弟考王鬼
鬼生威烈王午午生安王驕驕生烈王喜喜生顯王扁
伯生慎靚王定定生赧王延東周至赧王乃入于秦而
亡

周之初興大封同姓文王之祚十八長伯邑考早卒次
即武王又次曰管曰魯曰蔡曰郕曰霍曰衛曰毛曰聃
曰郕曰雍曰曹曰滕曰畢曰原曰豐曰郇 文公旦采
于周故稱周公成王封其子伯禽于魯公爵也三十四

世戚于楚後有臧會氏臧文氏臧孫氏有矯氏公山氏
武仲氏南宮氏惠叔氏叔仲氏仲顏氏仲叔氏公孫氏
東門氏子家氏子叔氏子服氏子我氏子言氏子翬氏
子干氏子成氏子寯氏子孟氏子駒氏子有氏子士氏
子華氏子陽氏子揚氏公施氏公襄氏公冉氏公為氏
公思氏公石氏公之氏公析氏公巫氏公父氏公伯氏
公慎氏公索氏公肩氏公良氏公哀氏公若氏公冶氏
公輸氏公鉏氏公儀氏少施氏慶父氏富父氏賓牟氏
意如氏仲梁氏仲顏氏孟孫氏仲叔氏叔孫氏季孫氏
聲氏意氏南氏懿氏陘氏般氏僖氏榮氏禽氏於氏賜
氏潛氏閔氏騫氏哀氏隱氏悼氏引氏毗氏彌氏展氏

施氏衡氏為氏穆氏作氏昨氏媯氏尾氏鞠氏麴氏孟氏仲氏叔氏季氏孟之後有軻私淑孔子為戰國大賢其以邑氏者又有臧氏衆氏秦氏邲氏鄆氏管氏柳氏厚氏邠氏顏氏郎氏費氏蔑氏魯氏柳下氏瑕丘氏厚丘氏梁其氏穀梁氏其守秦符璽者為符氏 周公使管叔鮮監殷管與蔡叔度間王室周公誅管以仲旄父代之後有禽氏管氏敬仲相齊其孫修適楚為陰大夫後有陰氏 蔡叔之子胡改行率德周公使為魯卿後封于蔡澤是為蔡仲子蔡伯生共侯至平侯遷新蔡凡二十四世臧于楚後有蔡氏辰氏盱氏朝氏歸生氏生氏太史氏蔡仲氏子履氏大利稽氏

後周賜蔡裕姓大利稽氏

曹

叔名振鐸封于曹句伯也二十六世滅于宋後有曹氏
羈氏偕氏釐氏子臧氏射姑氏夕姑氏公疆氏其分于
汴者為卞氏欣氏分于牟者為曹牟氏重丘氏曹操謀
漢號魏五世而劫於晉 邴叔名武封于邴子爵也後
附于齊又奔魯而滅于楚有邴氏成氏上成氏邾氏肅
氏 霍叔名處封于霍至永公奔齊晉復其舊封旋又
滅于晉有霍氏冠軍氏僊氏 康叔名封為司寇采于
康成王又以商于地封之統三監為衛伯至八世稱侯
十世稱公後又降稱侯稱君凡三十七世而君角滅于
秦有小王氏成公氏公上氏趙陽氏羗師氏辟閭氏析
龜氏北宮氏強梁氏會序氏羗憲氏祝固氏祝國氏祝

史氏史晁氏史朝氏史桑氏太叔氏公南氏世叔氏仲
叔氏石駘氏石伯氏公叔氏子叔氏公明氏公孟氏公
孫氏子高氏公析氏公甫氏公荆氏公文氏子文氏子
伯氏子玉氏子郢氏子強氏子季氏子齊氏夏戊氏夏
丁氏將軍氏右宰氏司馬氏司寇氏左公氏右公氏左
子氏右子氏石氏聶氏彌氏承氏禮氏勉氏免氏左氏
右氏伋氏壽氏南氏晁氏蒯氏輒氏頑氏衍氏林氏凌
氏稷氏牧氏冷氏嗣氏眷氏蕪氏孫氏孟氏弘氏洪氏
辟氏璧氏憲氏儒氏黔氏渠氏朝氏世氏監氏寇氏鍼
氏文氏齊氏開氏彪氏孔氏其以采者有懸氏懸潘氏
求氏仇氏裴氏康氏衛氏戚氏馮氏濮陽氏元氏元咺

氏常氏商氏

衛叔封商

衛叔名陶為司徒有陶叔氏司徒

氏武公生季釁采于甯為甯氏孫權號吳而四世亡于

晉又有厲氏

孫皓以秀奔魏改姓厲

毛叔名鄭從武王克商成

王以為三公封于毛有毛氏毛伯氏 聃叔名季載武

王少弟也采于沈成王以為司空封于冉自此遂為冉

季後有沈氏冉氏聃氏駟氏邴氏隤氏 郈叔子爵也

後分為南北南告臧于晉北告臧于宋有告氏郈氏

雖叔伯爵也後入于周有雖氏邕氏 滕叔名繡采于

錯周公封之滕侯爵也三十一世城于齊

通考云宋城

滕後有

滕氏滕氏騰氏卜氏滕叔氏公丘氏錯氏 畢公名高

采于畢周公薨畢公入職子季孫邑于潘又分于龐裔

孫畢萬事晉獻公伐魏而滅之即封于魏十世為文侯
又二世徙大梁又八世入于秦有畢氏魏氏潘氏番氏
龐氏呂氏獻氏豫氏芮氏垣氏新氏王氏魏強氏伯夏
氏曼多氏令狐氏不兩氏新垣氏葉氏馮氏 原叔伯
爵也亦從武王克商封于原莊公後亡有原氏佼氏原
仲氏原伯氏跪氏 郇叔侯爵也後滅于晉有郇氏荀
氏旬氏孫氏孫伯氏夙氏程氏中行氏伯宗氏籍氏席
氏投氏投壺氏孫息采于知為知氏智氏智果諫瑤不
從乃別族于太史為輔氏 豐叔侯爵也以酒亡國故
後世射儀有彤負罍以為倣後有豐氏酆氏

武王之祚七長為成王次日唐曰晉曰應曰韓曰寒曰

狄先是唐人作亂周公誅唐滅之成王以唐封叔虞是
為唐叔虞虞之字曰子于後有于氏邗氏孟氏万紐于
氏東海于公裔孫隨拓跋徙代為万紐于氏子于之子燮父成王封之晉十
一世文侯封其叔父成師于曲沃是為桓叔五世而曲
沃滅晉又五世而文公稱霸又十六世而分于三卿有
晉氏進氏戊氏恭氏整氏舅氏咎氏羊氏甲氏獻氏射
氏席氏籍氏士貞氏樓季氏太戊氏叔魚氏叔向氏叔
夙氏季夙氏季嬰氏楊食氏食我氏凡閭氏伯宗氏伯
州氏公仇氏公師氏弗忌氏臼季氏子羽氏其以采者
則有絺氏郤氏卻氏步氏涉氏畜氏偁氏郤氏白氏苦
氏冀氏解氏張氏楊氏絳氏陽氏端氏續氏溫氏祁氏

鄔氏羊氏介氏翼氏駒氏孟氏州氏欒氏揚于氏銅鞮氏羊舌氏祁夜氏長魚氏五鹿氏東關氏郅州氏苦之派又有舌成氏庫成氏古成氏車成氏欒之派又有欒書氏下車氏若欒氏嘉氏銅鞮之派又有陲氏逋氏蹄氏鞮氏鮮氏郤之派又有隼氏絺之派又有郇氏自步而分于溫為步溫氏自續而分于祈為緒祈氏先軫封于原徙于霍有先氏左行氏康王以虞之幼子公明為賈伯後滅于曲沃有賈氏右行氏賈孫氏出公生伯僑封于揚有揚氏揚孫氏雒氏溫之後滅于狄有大戎氏小戎氏狐氏韓侯至平王時失國其裔韓厥事晉復封韓原凡二十四世而滅于秦後有韓氏何氏橫氏俠

氏翟氏言氏賈氏褐氏李氏呂氏韓侯氏無忌氏公孫
氏韓褐氏韓籍氏韓嬰氏韓信氏姓信都氏韓厥之
玄孫康采于趙蘭為蘭氏哀侯少子媾采于平為平氏
媾氏張氏灌氏信之派又有韓餘氏 應侯滅于晉有
應氏深氏 成王封孝伯于狄後為狄子有狄氏翟氏
寒侯之後有寒氏蹇氏

周公之祚七長禽封魯公次日凡曰蔣曰邢曰茅曰胙
曰祭 凡伯封國于畿內後有凡氏邢氏汜氏 齡封
于蔣男爵也後稱侯二十二世滅于楚有蔣氏定氏
靖淵封于邢侯爵也後滅于衛有邢氏陘氏 祭伯為
卿士亦封國于畿內後有祭氏謀氏訾氏祭公氏 胙

封具氏姜憲氏彊梁氏趙陽氏史龜氏去疾氏大季氏
公文氏公德氏共叔氏世叔氏大叔氏子人氏子強氏
子駟氏子罕氏子孔氏子皙氏子國氏子游氏子寬氏
子然氏子羽氏子軒氏子章氏子旗氏伯有氏馬師氏
東里氏行人氏西門氏西宮氏京城氏侯伏氏賀吐氏

侯直從魏帝西遷賜
侯伏氏又賜賀吐氏

宣王封其子三人一曰尚父封楊為楊侯一封陸鄉為
陸侯後有陸氏一封謝丘為謝侯後有謝丘氏楊侯魯
孫失國後有楊氏平王以楊邑賜晉晉之叔肸采于楊
後亦有楊氏楊堅弒周稱隋而三世滅于唐有梟氏帝賜楊
賜楊元感屋引氏越勒氏普六茹氏周賜楊紹為屋引
為梟氏

續文獻通考

卷之二百八

二十一

四百五

陽忠為普
六茹氏四姓尋復為楊氏

平王封其子三人一曰精封于縱為縱氏精縱氏一曰
唐封于梁山為梁伯一曰秀封于汝川謂之周十有九
世藏于秦為周氏宋大儒惇頤其胤也

惠王之子帶封于甘曰昭公子曰成公世官王所後有
甘氏甘士氏甘先氏甘莊氏染女氏鑒氏

頃王之孫武強為武強氏姬氏周氏

簡王之子儋季為儋氏

景王之孫封于陽樊後徙無終為公陽氏陽氏陽樊氏
無終氏

敬王之子封于鄆為鄆氏

靈王之太子趙古初有威德以諫廢年十八而逝是為

王子晉

列仙傳云王子喬

其子宗敬為司徒後有王子氏田氏

緄氏王人氏王氏李氏拓至氏

北齊賜王興拓至氏

可頻氏

賜王維為可頻氏

乙速狄氏

後魏賜王顯為乙速狄氏

考王封弟揭于河南曰東桓公至孫惠公傑分其子班

于鞏以奉王曰西惠公號二周赧王之立二周分理赧

王入秦而二周亡東桓公之子中山武公先滅于魏而

居靈壽以上皆王季長子文王之裔而文王兄弟之裔

又各可稽者焉

伯鹵之孫仲奕武王封之閭後滅于晉有閭氏奕氏大

野氏

後周賜閭慶為大野氏

按伯國未詳所出姓滙稱為王季之祚必有據矣

虢仲虢叔文王異母弟也仲曰西虢後遷上陽為南虢
而留者為小虢後滅于晉叔曰東虢平王奪其地與鄭
而楚莊責王乃求其裔孫斤封于陽曲曰郭公後亦滅
于晉有虢氏郭氏制氏上陽氏夏陽氏西郭氏南郭氏
劉氏劉子國在畿內世為卿士後稱公劉康公有
功王室後有留氏劉氏康氏官師氏帥氏晉師局避諱
改姓為帥
煇王季第四子文王異母弟也又名虔仁煇子渠武王
封之岑為岑氏亦有王氏虔仁氏鉗耳氏緝耳氏皮仁
氏仁氏

周之支派又有輿氏嗇氏种氏稷氏賓氏校氏顯氏黨

氏惠氏偏氏公氏富氏太氏泰氏亞氏辟氏執氏副氏

組氏驪氏治氏聚氏治氏鞠氏鞠氏儋氏枝氏支氏宰

比忌氏宰忌皆周公後舞氏蜎氏唐武后改武惟良為蜎氏王孫氏王子氏

鄭有王子氏晉魏吳皆有王孫氏俱出于周惟楚王孫出伍員賈孫氏王史氏共王子圍後為

史內史氏公祖氏叔服氏太伯氏黑肱氏黑肩氏西周

氏武公世子司工氏陳留氏其封國有召燕陽盛穀

滑息巴項隨鱗宮紀遂岐郭卷頤徐胡肥鼓魏譙麗解

鮮虞極隗丹睽載逢冀冥主亦姬姓也其詳載路史召伯

名奭采于召年百有八十其長子封于北燕而支子襲

召世為召伯後有召氏邵氏召伯氏東陵氏其封于唐

者為陽伯城于齊北燕四十三世城于秦後有燕氏喜

氏攸氏繆氏釐氏噲氏快氏喻氏 盛伯之後入于齊

有盛氏成氏痛氏 穀城于齊 滑城于秦 息城于

楚 巴城于晉 項城于魯後有穀氏小穀氏滑氏滑

伯氏息氏息夫氏巴氏通氏項氏劉氏漢賜項伯姓劉辛氏周賜

項姓辛 漢東之國隨為大後城于楚有隨氏少師氏

鱗城于宋 宮城于虞 紀遂城于齊 岐郭廢于周

養頰徐胡入于楚 肥鼓魏譙入于晉 麗舛入于

秦 鮮虞入于狄 極入于無駭 隗丹睽載逢冀冥

土各哀除而不振後有鱗氏宮氏紀氏遂氏岐氏郭氏

養氏頓氏南頓氏徐氏胡氏胡在汝陰肥氏肥如氏鼓

氏魏氏譙氏焦氏鮮虞氏極氏隗氏丹氏睽氏載氏韻

作
截逢氏冀氏寘氏主氏 其周室世卿之家則又有察
公氏榮公氏瑕公氏長伯氏賈伯氏蒯伯氏桃叔氏邛
叔氏尹公氏奇氏榮叔氏南宮氏榮伯氏芳氏康公氏
鞏伯氏甘氏單公氏暴公氏詹伯氏家父氏巷伯氏方
叔氏

帝嚳次妃有娥氏生契為堯司徒封于商賜姓子氏子昭
明生相土始居商丘孫冥為司空又十二世而湯興傳
外丙仲壬太甲沃丁太庚小甲雍已太戊仲丁河亶甲
祖乙祖辛沃甲祖丁南庚陽甲盤庚小辛小乙武丁祖
庚祖甲廩辛庚丁武乙太丁帝乙至于紂而失天下武
王封其子武庚于邶武庚叛周公征之乃以帝乙之元

子微子封于宋為周之賓三十二世而齊魏楚共滅之
三分其地後有微氏幾氏衍氏尾氏沃氏據氏卿氏穆
氏止氏令氏近氏宋氏邨氏鄒氏邾氏石氏母氏戚氏
懷氏既氏椒氏督氏沙氏猛氏政氏正氏桓氏完氏牛
氏牢氏遼氏察氏虞氏華氏邴氏還氏狂氏曰氏朱氏
耦氏鄒氏邨氏邊氏冀氏仲氏周氏靈氏祿氏虺氏勃
氏聖氏省氏牽氏仇氏錯氏銳氏允氏左氏宗氏正氏
所氏王夫氏皇甫氏空相氏事父氏不更氏幹獻氏申
屠氏三仇氏魚孫氏團龜氏樂正氏白馬氏墨夷氏鳩
夷氏不夷氏南宮氏艾歲氏西鈕氏中野氏即利氏子
朝氏子奢氏子蕩氏子罕氏右師氏左師氏司城氏司

冠氏司馬氏司徒氏右歸氏公朱氏陽門氏季老氏微
生氏殷侯氏老男氏并官氏武信氏季老男氏巨辰經
氏姓二字目夷氏不茅氏西鄉氏木門氏東鄉氏祝其氏
不其氏其以采者有魚氏鱗氏向氏樂氏已氏合氏戎
氏御氏木氏坎氏蕩氏其支于戴者城于鄆有戴氏留
氏蒨氏子段分于褚為褚氏石氏褚師氏 初微仲之
孫潛公生弗父何四世為孔父嘉遭華督之難子木金
父逃于魯為孔父氏孔氏生祈父為防大夫子房叔生
伯夏伯夏生叔梁紇封于鄆生孟皮襲鄆為鄆氏又娶
顏氏女生仲尼名丘是為夫子洪武正韻註曰孔字子
從乙乙者熱也不忌玄
也 初武丁封季父于曼曰曼伯後有曼氏蔓氏鄭

氏曼分為優鄧皆滅于楚鄧之後有鄧氏登氏鄧侯氏
鄧之孫有養氏聃氏騅氏優之後有憂氏優氏鄧氏

祖庚封弟文于苑有苑氏宛氏庚氏又封子于權楚人
遷之邠處有邠氏那氏權氏 太丁封母弟于堂陽有

堂陽氏 黎萊蕩巢比梅條徐蕭索長尾陶施繁錡樊

饑終葵皆子姓也西伯戡黎武王復以封湯後其裔滅

于舒有黎氏犁氏 萊侯與太公爭營丘後遷于鄆有

萊氏邾氏浮萊氏浮氏 蕩滅于秦巢滅于吳比于受

割梅伯受醢有蕩氏比氏梅氏枚伯氏比于死其子堅

逃于長林為王氏林氏 成王以商之六族條氏徐氏

蕭氏索氏長勺氏尾勺氏錫魯公又以商之七族陶氏

施氏繁氏錡氏樊氏饑氏終葵氏錫康叔蕭滅于楚後

有桐門氏還氏蕭道成篡宋稱齊七世而亡于蕭衍衍

稱梁四世而亡于陳後有李氏李一作倖蚩氏饕饕氏賜武

章王孫為李氏齊武改其子巴東王警湯之支胤又

有乙氏湯氏殷氏商氏祖氏亳氏師氏薄氏北殷氏殿

氏武氏沛氏鐵氏初氏髦氏郅氏鄒氏稚氏署氏定氏

同氏番氏共氏段氏邴氏桐氏鍾氏華氏鞍氏同魁邑鞍防

氏時氏箕子周封朝鮮有鮮氏朝鮮氏鮮于氏

帝崇三妃陳豐氏生堯堯初娶富宜氏生朱不肖封于丹

奔移封于房為房侯謂之虞賓朱生陵以父封為丹氏

房氏防氏陵之三十五世鍾事昭王采于靈壽生沈為

沈氏又有屋引氏

晉初房乾入虜改姓

朱之兄考監明先死朱

之弟九其封于留者為留氏劉氏劉累恭龍事孔甲賜

為御龍氏以代蚩尤之業後遷于魯商時居大夏者為

唐氏御氏擾氏擾龍氏周時封堯後于鑄分于祝又

分于隨有鑄氏祝氏隨氏劉累之裔封于方城為唐

公後併于楚其徙杜者為杜氏唐杜氏屠氏

杜蒯史記作屠

唐孫氏李氏析氏杜伯之子隰叔奔晉生士為世為

士師及司空之官故有士氏司空氏為生士穀為穀氏

穀生士會采于隨為隨氏佐文襄有功又采于范為范

氏子燮采于栢櫟為栢櫟氏士魴采于彘為彘氏畢夷

采于函與為函與氏又有魴氏陽氏士丐氏士季氏士

吉氏士為氏士思氏司功氏祈成氏士弱氏胥氏張氏

范曄改

陶氏朱氏陶朱氏鴟夷氏

范曄

初士會入秦

而歸晉也有子望于秦生明為劉氏明生遠遠生陽十

世孫獲為魏大夫生清徙居沛清生仁號豐公仁生端

是為漢太公太公季子邦臧秦項而有天下傳惠帝文

帝景帝武帝昭帝宣帝元帝成帝哀帝平帝孺子是為

西漢光武明帝章帝和帝殤帝安帝順帝冲帝質帝在

帝靈帝獻帝昭烈帝帝禪是為後漢凡四百五十一年

而滅于曹魏劉裕起南朝稱宋而八傳滅于齊知遠起

五代稱後漢而二傳滅于後周

知遠沙陀人自

有漢氏

厥氏

漢賜衡山王姓

兀氏

漢賜安樂王姓

紅氏橫氏吳氏宗正氏中壘

氏谷蘇氏獨孤氏唐表云獨孤氏出自漢光武之後劉進伯擊匈奴敗囚孤山下生尸利軍

子為谷蘇王號獨孤部因以為氏劉楨改公族氏陳氏劉楨改徐氏徐耕乃買

氏劉楨改留氏先是房之後有獋氏裔子大

繇夏后封之傳為傳氏傳說臣商後有傳餘氏餘氏其

分于冀者為冀氏 帝堯之後又有薺氏陶丘氏周生

氏堯氏上唐氏高唐氏

帝嚳四妃有陬氏生帝摯及八元日二子謂以天子記號

有十人焉而以左傳天有十人有十等為証愚謂其

又時何以釋之豈非以妄而正妄哉 帝摯生玄元堯

封之于中路後有中路氏路氏辛氏僑氏囂氏 八元

為虞舜布教曰伯奮曰仲堪曰叔獻曰季仲曰伯虎曰

仲熊曰叔豹曰季狸後有奮氏堪氏獻氏虎氏豹氏狸氏
實沈閼伯續牙晏龍巫人叔戲厭越皆帝嚳庶子
也 實沈閼伯居曠林兄弟不相能閼遷於宋是為商
沉遷于大夏是為參後有實參氏閼氏遏氏摶氏商立
氏 續牙為舜友後有續氏 晏龍為納言生司幽封
司幽之國後有龍氏 巫人封巫為巫氏主蓺民蓺民
盼姓也其封于蜀者分于苴後有蜀氏苴氏葭氏 叔
戲生搖民後有搖氏 厭越居昌黎後為東胡之祖漢
時居鮮卑山是曰烏丸後有慕容氏晉時稱前燕後燕
南燕西燕前燕二主滅于苻堅後燕四主滅于馮跋西
燕七主滅于慕容垂南燕二主滅于晉又有豆盧氏賀

蘭氏慕與氏慕利氏莫護氏庫狄氏裕氏慕氏暮氏而
柔僕氏羸土氏亦帝嚳之末裔云

黃帝元妃西陵氏第三子龍苗之裔

龍苗生吾融為吾氏吾融生卞明封于卞為卞氏卞明

棄其國居南裔生白犬是為蠻人之祖

白犬卞明子名也史傳盤瓠之

說甚謬茲不復錄

黃帝次妃方纁氏長子休之系

帝休釐姓繼黃帝以治是為帝鴻氏生子二人曰白民

曰嘻嘻生季格季格娶任已氏生帝魁白民銷姓降居

于夷是為白民之祖

出及家書

帝鴻之胤有防風氏緡雲

氏防風亦釐姓守封禺之間

出案字志

至商為汪茫氏更為

漆姓後有汪氏罔氏汪罔氏汪芒氏縉雲娶土敬氏遺
腹而生驩堯放之崇山驩堯生苗民堯胤之三危河
西諸羗皆其種也夏禹又分北有苗後有驩氏滿氏瞞
氏曼氏蠻氏出風俗通危氏元氏宋危諷改姓元又有鴻氏洪氏防
風氏縉雲氏縉氏出纂要長狄氏出姓纂

黃帝次妃方嫫氏次子清之系

清紀姓封于清是為青陽娶于類氏生少昊青陽氏

少昊元妃生倍伐居于緡淵封于茂至夏末為桀所滅後

有倍氏緡氏茂氏出山海經

少昊次妃生般為弓正主祀弧星封于尹城後有尹氏

少昊有庶子曰昧為玄冥師昧生二子曰允格曰臺駘俱

為帝譽臣臺駘以治水功封于汾川沈奴辱黃世守其

祀後有臺氏沈氏奴氏辱氏羣氏鄒氏 允格封于媯

出姓有子媯姓舜投之幽州是為陰戎之祖 左傳僖公二十二年

秦晉遷陸渾之戎也後有已氏格氏戎氏允戎氏戎州氏

出上道志及輿地廣記

少昊四叔曰董曰熙曰修曰該為五官老之義仲義叔皆

重之後也後有義氏重氏 出楚語及法言

少昊入踐帝位其屬有紹青陽之國胙者恃強侵伐重

丘氏苦之遺以妹惑而不治青陽氏遂亡後有青氏青

陽氏 出風俗通

少昊支子娶高陽氏女生大業大業娶少典氏女生陶為

舜士師封于皐是為皐陶舜讓禹位禹讓皐皐讓禹生
子三人長伯翳次仲甄季封于偃為偃姓有偃氏郕氏
而州絞舒皖貳軫鳩庸龍蓼皆其派也州臧于魯絞臧
于宋舒皖貳軫鳩庸龍蓼則入于楚後有州氏佼氏絞
氏貳氏軫氏搖氏皖氏參氏會氏阮氏裴氏閭氏
酈氏止氏舒氏舒庸氏舒鳩氏舒龍氏舒蓼氏舒鮑氏
舒龔氏出諸大論仲甄事夏封于六後分于英俱臧于楚
後有甄氏蓼氏皐氏咎氏繇氏畢氏英氏黥氏英布姓
此並依姓滙所纂與前廷堅之安蓼兩處各有據姑存
其疑

伯翳能馴鳥獸知其詬言事虞夏初采于蕞為蕞氏盈

續文獻通考

卷之二百八

三

四百五十五

氏鄧氏以功受皂旂玄王妻以姚女而封于費是為大費生子三人曰大蕪若木恩成 大蕪事夏啓為鳥俗氏路俗氏後裔有孟虧仲衍孟虧能述伯翳之業封于蕭是為蕭孟虧夏衰孟虧去而鳳鳥隨焉仲衍臣于商大戊其裔曰戎胥軒者娶酈山氏生仲湑仲湑生處父處父善走是為飛廉生二子曰萆曰季勝萆即惡來也事紂為周所殺親世 季勝生孟增幸于成王封畢狼生造父造父事穆王封于趙七世叔帶隸于晉又九世而武立又再世而分晉又三世而主父益強又六世而滅于秦有趙氏張氏狼氏屏氏嘗辱氏樓季氏主氏主父氏康氏馬氏馬服氏馬矢氏馬適氏莽氏武成氏周

陽氏邳氏邳鄆氏叔帶氏仲衍氏戎胥氏冬曰氏采于
睦者為睦氏趙之後有匡胤伐後周為帝是為宋太祖
傳太宗真宗仁宗英宗神宗哲宗徽宗欽宗高宗南渡
傳孝宗光宗寧宗理宗度宗幼主凡三百一十七年

革之五世曰非子孝王封之秦谷使復嬴氏又五世襄
公勤于平王錫之岐豐以為侯又二十九世而呂政併
天下為始皇帝傳二世而滅于漢有秦氏非氏靡氏虢
氏房氏旁氏蜚氏飛廉氏廉氏徵氏寧氏子桑氏于車
氏車氏仲行氏鍼氏侯麗氏繆氏繆氏整氏庶長
氏不更氏穉氏谷氏統氏將閭氏 秦仲既封于襄又
分其少子康于夏陽為梁伯有梁氏梁餘氏梁于氏將

氏將良氏漢莽以梁瓌為修遠伯奉少昊之祀而梁之
後又有運期氏梁漢改姓其米于運者為運氏自運分于掩
為奄氏掩氏運奄氏米于鍾離者臧于吳為鍾氏離氏
鍾離氏終黎氏其為附庸者有尋氏衙氏汪氏良氏菟
裘氏不羹氏灌東氏東閭氏修魚氏樗里氏密如氏高
陵氏秦鍼奔晉封于裴中為裴君六世陵遷于解為解
君後有裴氏韮氏斐氏匪氏壘氏解氏履氏 若木事
夏桀伯翳之封後有費呂事湯費仲事紂其封于淮者
亦為贏氏夏世以徐伯主淮夷三十二世而徐君偃臧
于楚周王錄其子宗又十一世而滅于吳有徐氏蠡氏
取慮氏出諸夫李氏徐世勛改姓 恩成之裔以理為姓理徵

事紂娶契和氏逃難伊墟為李氏利貞生仲師家于苦

生彤德其曾孫頤宗事康王因以苦封焉五世孫乾麟

唐作字元杲為周上柱史娶洪氏娠十二年臨左而生

聃曰玄祿是為伯陽生而皓首謂之老子名耳而字聃

邑於苦之賴賴即萊也故又曰老萊子按皇甫謐高士傳老子與老萊

子本是兩人而姓匪合桓莊時為柱下史簡靈時守藏為一今姑存以俟譚考

吏孔子嘗問禮焉孔沒十九年而聃入秦著道德經西

歷流沙以化胡壽四百有四十歲聃生宗食采于段于

後裔淵革隋而興唐是為高祖傳太宗高宗中宗睿宗

玄宗肅宗代宗德宗順宗憲宗穆宗敬宗文宗武宗宣

宗懿宗僖宗昭宣凡二百八十八年昇養于徐為徐氏

後復李氏號南唐三世而亡有里氏理氏相里氏李氏

恩氏利氏聃氏僊氏眇氏徵氏崇氏段氏段于氏宗氏

老氏老陽氏杜氏丙氏李陵高孫見聖帝于丙毀賜姓丙廣武氏老萊

氏賀蘭氏堅吾氏北狄賀蘭堅吾二氏皆稱李陵後大野氏徒何氏魏

賜李虎為大野氏後剡寔茲蒲沈耿譚穀巴復江黃邛

弦時麋白祁皆羸派也 剡滅于越寔滅于徐茲蒲滅

于周沈耿滅于晉譚穀滅于齊巴復滅于夔江黃邛弦

時麋白祁滅于楚後有剡氏寔氏茲氏蒲氏沈氏耿氏

譚氏穀氏巴氏復氏江氏黃氏邛氏弦氏時氏麋氏白

氏葛氏祁氏 沈子逞奔于楚逞生嘉嘉生二子尹丙

尹戌尹戌為右司馬生諸梁采于葉為蕞氏尹氏諸梁

氏邨氏

此與平興之沈不同

蒲之後有蒲侯氏蒲餘符氏耿

之後又有諫氏東氏簡氏

譚之後又有覃氏談氏倓

氏巴之後又有巴公氏

黃之後又有胡氏白之

後又有白侯氏武安氏

周封少昊之後于邾而置莒其後茲輿徙于計二世茲

丕復歸莒至紀公乃復紀姓傳三十世而滅于楚有莒

氏萬氏莒子氏輿期氏茲丕氏展輿氏庶其氏郊氏捷

氏裂氏犁比氏林閭氏渠丘氏著丘氏安丘氏且于氏

務婁氏無婁氏莢羊氏其以邑者有林氏犁氏

少昊之後有昊氏皓氏星氏桑氏金氏雉氏芒氏句氏

暉氏皞氏秋氏伯氏西方氏桑丘氏空桑氏龍丘氏五

鳩氏有偃氏

黃帝三妃彤魚氏長子揮之系

揮造弧矢封于張為弓氏張氏李氏李玄趙灌氏灌夫

孟叱羅氏張義東方氏東方朔父張夷母田氏遺腹三

明因以張軌稱前凉五世而亡

黃帝三妃彤魚氏次子夷彭之系

夷彭紀姓其子封于采是為左人有采氏左人氏夷彭

氏

黃帝四妃嫫母氏長子蒼林之系

蒼林姬姓生始均居北狄為始氏蒼林氏

黃帝四妃嫫母氏次子禺陽之系

禹陽任姓任分封十國有謝氏

歐陽修撰謝絳碑云六帝後任姓十族謝其一

也至周宣王時管謝以賜申伯而任姓之謝始失國章氏舒氏洛氏昌氏契氏終

氏泉氏卑氏禹氏

謝之後又有射氏大野氏後魏總為

大野氏一云申伯之後

舒之後又有舒子氏紀氏洛之後又

有洛氏雒氏

禹陽之裔曰禹號者生子三人長曰禹京次曰傺梁季

曰儋人

禹京居北海

禹號居南海是為海司後有

禹強氏強氏

傺梁生番禺禹主舟楫生奚仲奚仲

生吉光主車封于薛十二世仲虺為湯左相祖已七世

成始遷于摯有女歸周是生文王逮武王復封于薛薛

之為國歷三代六十四世而滅于楚後有蘄氏薛氏且

續文獻通考卷之二百八

三

四〇八

氏祖氏奚氏稽氏仲氏摯氏執氏疇氏伍氏丕氏邳氏

姁氏姁氏李氏奚廷珪改姓徐氏徐光祚本姓薛修氏

任姓之後又有狂犬氏

黃帝庶子結姓之系

結姓之後伯儵封于南燕伯爵也有吉氏姁氏孔氏孔

氏出于結即孔文子也

結之分國十有四有密氏密湏氏闕氏允氏蔡氏光氏

敦氏偃氏燕氏魯氏雖氏密氏雖氏密湏之後又有

須氏闕之後又有監氏

黃帝庶子箴姓之系

箴姓之後有箴氏濟氏滑氏

黃帝庶子依姓之系

依姓之後有依氏髡民氏

黃帝之後舜封為侯伯者十有九其封于資者為資氏

鄒氏封于鄒者為鄒氏輔氏封于虞者為虞氏封于寇

者為寇氏若口引氏

後魏賜寇氏劉氏本羅侯寇氏子

封于酈者為酈氏儼氏食其氏侍其氏封于翟者為翟

氏糴氏狄氏封于詹者為詹氏自詹徙葛又為葛氏詹

葛氏

武王封黃帝之後于薊以復剗後有剗氏薊氏

黃帝別派又有橋氏喬氏儋氏郿氏陳氏有熊氏軒氏

軒轅氏公孫氏

有慕氏虞舜之系第四

史記謂虞舜父瞽叟瞽叟父橋牛橋牛父句望句望父敬康敬康父窮蟬窮蟬父顓頊顓頊父昌意昌父黃帝自窮蟬至虞舜皆微為庶人辯之者謂窮蟬既為帝顓頊之子何得謂微為庶人婚姻異姓百世不通舜既堯之五世從玄孫又安得尚堯二女也况舜姓姚而黃帝嗣胤實無姚姓且以舜為堯之從孫禹乃舜之從祖祖孫傳位猶顓頊與帝舜也豈得謂之以天下與人哉此其辯甚當故羅泌路史謂虞舜不出于黃帝而陳士元姓滙亦別為之系謂窮蟬非顓頊庶子今從之

初窮蟬父曰慕世稱有慕氏

出呂能聽風以成樂窮蟬

生敬康敬康生句望句望生橋牛橋牛生舜父生而天
育是為瞽叟瞽叟生舜及象

舜元妃娥皇無子

舜次妃女英生子二人曰義均曰季鰲季鰲封于緡其後
為桀所滅義均封于商是為商均商均不肖惟喜歌舞

禹封其子于虞其後虞君至夏季而亡

或以虞為象之後非

舜三妃癸比氏生女二人曰宵明曰燭光處于河澤靈照
百里是為湘神

舜庶子七人其後裔得封國者曰圭曰胡曰負曰遂曰廬
曰蒲曰衛曰甄曰潘曰饒曰傅曰鄒曰息曰胡毋曰轅
曰餘姚曰上虞曰濮陽曰餘虞曰西虞曰無錫曰巴陵

曰衡山曰長沙 當夏之世有箕伯直伯成湯封箕伯

之裔于遂遂之後臧于齊後有箕氏遂氏按箕伯與箕子乃紂諸父佯在為奴者也姓匯以箕子為箕伯之後而以箕氏鮮氏朝鮮氏鮮于氏皆係于箕伯下非矣

今改正之 直伯之後有直氏直柄氏 圭衛蒲傳臧于商

胡潘臧于周息負盧鄒至春秋時皆入于疆國後有圭

氏邾氏衛氏蒲氏蒲衣氏傅氏胡氏潘氏息氏鄭氏負

氏負泰氏廬氏鄒氏 其支裔又有慕氏司徒氏信都

氏申屠氏勝屠氏勝氏勝徒氏有虞氏晉氏咸氏遂氏

須遂氏合博氏李氏漢胡不害封合博唐李文思本姓胡 胡公之後關

父為陶正武王以太姬配其子胡公滿賜以肅慎之璫

封于陳二十五世而臧于楚後有陳氏過氏轅氏據氏

袁氏爰氏慶氏衡氏柳氏鍼氏逢氏敝氏溺氏杵臼氏
五父氏駟氏恩氏甄氏番氏闕門氏壺丘氏偃師氏司
甄氏司城氏儀氏 初陳宣公叙其太子御寇而敬仲
奔齊致陳樂齊桓公以爲工正采于田爲田氏七世成
子弑簡公分齊國又三世而田和移齊祚又六世而戚
于秦有敬氏皮氏車氏怡氏穰氏汲氏穉氏穉氏辱氏
薛氏王氏文氏苟氏光氏紇于氏尉遲氏後魏賜田宏
固爲紇于氏
陳忻爲尉
遲氏司馬氏少西氏子穆氏子占氏子沮氏子與氏
子獻氏子鞅氏子梧氏子坊氏子芒氏子寤氏子尚氏
子石氏子夏氏子宋氏子禽氏犇子氏子仲氏顓孫氏
無宇氏五王氏安平氏廣武氏即墨氏於陵氏其苗裔

陳霸先弑梁以爲陳五世而後主臧于隋 齊宣王田
辟疆封弟于母鄉爲胡母氏胡非氏何母氏威氏慈母
氏慈氏 漢封舜之後嫡冒爲始睦侯以主祀後有始
睦氏 漢高祖徙諸田于關中有第二氏第二氏第三
氏第四氏第五氏第六氏第七氏第八氏 田千秋乘
小車入殿稱車丞相後有車氏 禹分舜之少子于西
戎至秦厲公時有羌無弋爰劍其曾孫曰忍曰舞忍生
九子爲九種舞生十七子爲十七種其曰研者號研種
十七種之一也研之十三世孫曰姚居代雄洮罕之間
至西晉時姚弋仲者其裔也弋仲子曰慕弑苻堅號後
秦歷三世而臧于晉後有研氏無弋氏湏氏東氏迷氏

鍾氏罕羌氏那氏義長氏 無弋之支庶曰印南徙祈
支分爲三種有釐牛氏白馬氏參狼氏

象封于有庠後爲象氏庠氏畀氏鼻氏

唐氏同姓異派後爲唐周封于晉此堯之唐也伊祈姓成
王城唐封叔虞于晉其子燮父紹封亦爲唐此周之唐
也姬姓

虞氏有二一舜後姚姓一仲虞後姬姓

夏氏有二夏后後以國氏陳宣公子子夏後以字氏

商氏有二湯後爲商衛鞅封商君後亦爲商

周氏有五稷後爲周氏又姬氏唐先天中避諱改周氏暨
氏上元中唯制改周氏又代北賀魯氏普氏後魏並改

周氏

秦氏有三秦國爲秦氏魯有秦邑亦爲秦氏楚又有秦商燕氏有二有姬姓之燕有姁姓之燕

管氏有二叔鮮後以國氏出自文王齊管仲出自穆王畢氏有二畢公高之後爲畢後魏出連氏改畢

于氏有三周武王子邴叔後或去邑爲于後魏萬紐于氏改于又淳于氏避唐諱改于

胡氏有二周胡國爲胡後魏紇骨氏亦爲胡

齊氏有二太公之後以國氏衛大夫齊子後以字氏

楚氏有二鬻熊之後以國氏魯林楚後以名氏

陳氏有四舜後以國氏又隋初白氏改陳爲萬年陳氏魯

相無子以外孫劉矯嗣為廣陵陳氏侯莫陳之後亦改

陳氏

朱氏有三邾子後去邑為朱又渴燭渾氏可朱渾氏並改
朱

婁氏有二一邾婁後一胥婁氏改婁

兒氏有二邾氏去邑為兒賀兒氏亦改兒

越氏有三勾踐後以國氏又越彊氏越質詰氏並改越氏
薛氏有三奚仲後以國氏又叱干氏改薛又有遼西薛氏
沈氏有二沈子逞後以國氏又莊王子公子正封沈鹿後
以邑氏

徐氏有二若木後以國氏又一出黃帝十四姓

邳氏有二邳國後去邑為云又後魏牒云氏改云

禹氏有二鄆國去邑為禹又夏禹後以名氏

宿氏有二風姓後以國氏又宿六斤氏改宿

羅氏有二姁姓後以國氏又叱羅氏改羅

婁氏有二熊摯後以國氏又天竺亦有婁氏

夷氏有四夷詭諸後為夷氏又逸民夷逸齊大夫夷仲邾

大夫夷射姑後皆為夷氏

須氏有二密須與須句後

黎氏有三子姓後以國氏又齊大夫黎彌且以邑氏後魏

素稽氏改黎氏

申氏有二姜姓後以國氏又楚申邑申公居之以邑氏

向氏有二祁姓後以國氏又宋公子盼字向以字氏

葛氏有三羸姓後以國氏又葛天氏後為葛後魏賀葛氏
改葛

權氏有二顓帝後楚王滅權子孫為權氏又關繆尹權氏
焉

會氏有二鄆國去邑為氏又會邑之後亦為會氏

辛氏有三莘氏訛為辛又計然本姓周頃置賜姓

呂氏有五姜姓後以國氏又晉有呂氏出干魏又叱丘氏
副呂氏叱呂氏並改為呂

戴氏有二戴國為鄭所滅子孫以國氏又宋戴公後以謚
氏

譚氏有二子爵以國氏又巴南六姓有譚氏

冀氏有二冀國後以國氏晉滅冀以為邑邾氏食之為冀
莒子孫以邑氏

顓臾氏有三伏羲之後封顓臾子孫以國氏又或顓或臾
各氏

鬲氏有二有鬲國以國氏又膠鬲後以名氏

顧氏有二侯爵顧國以國氏又勾踐後別封顧余以邑氏
共氏有三共侯後以國氏鄭公子段曰共叔晉太子申生
曰共君以謚氏

廖氏有二一廖叔安後一周文王子伯廖後姓瀝不載

龔氏有三恭國籀書作龔又晉大夫龔堅後又漢蠻酋有

龔氏

梁氏有二伯益後封于梁以國氏又拔列蘭氏改梁氏
洪氏有二共氏改洪氏又豫章弘氏改洪氏

彭氏有三大彭國有彭氏祝融後八姓亦有彭氏

祭氏有二周公後以國氏又鄭有祭邑祭仲其後也

蘇氏有二祝融後陸終生昆吾封于蘇以國氏又拔畧氏
改蘇氏

毛氏有二毛伯聃後以國氏又有北狄之族世為酋長

樊氏有二仲山甫食采于樊以邑氏又商七族有樊氏

劉氏有五堯後劉累為劉氏周成王封王季之子于劉邑
亦為劉氏漢賜項氏婁氏並劉氏又匈奴之族從母姓

劉

樂氏有二晉樂賓後以邑氏姬姓也一齊子樂後以字氏姜姓也

路氏有四路子以國氏又黃帝封支子于路又堯封帝摯摯子玄元于中路子孫皆以國氏又設路真氏改路

荀氏有二一侯國一晉荀林父以邑氏

丙氏有二邴豫後或去邑作丙又李陵裔孫歸魏見于丙殿因賜氏焉

緱氏有二周卿士食采邑以邑氏又渴侯氏改緱氏

蔦氏有二楚蔦章後以邑氏晉士蔦後以字氏

孫氏有三衛公子惠孫後以字氏又楚有芊姓之孫齊有

鳩姓之孫

續氏有二晉大夫狐鞠居以采邑氏續又舜七友續牙之後

南氏有三衛公子郢字子南其後為南氏又楚有子南氏亦為南氏並以字氏晉有南氏以鄉氏

國氏有二鄭子國後以字氏姬姓也齊國氏姜姓也

孔氏有三宋孔父嘉之後為仲尼又衛有孔氏為世卿鄭亦有孔氏皆以字為氏者

東陵氏有二齊景公時有隱居東陵因為氏邵平封東陵侯子孫氏焉

董氏有二董父後以字氏又陸終之子參胡姓董以姓氏

費氏有二夏禹後封費邑以邑氏又費廉氏改費氏

成氏有二楚若敖後以字氏又周有成氏

孟氏有二魯慶父後為孟氏又衛公孟縶之後亦為孟氏
仲氏有二魯慶父曰共仲之後為仲氏又宋莊公子子仲
後亦為仲氏

祁氏有三晉獻公孫英食采于祁遂以為氏又隰叔後又
黃帝後

叔氏有三魯叔牙後文公子叔盼後八凱叔達後並以叔
氏

步氏有二一晉公族鄰氏後一步陸氏改步氏

季氏有二一季友後魯公子也一季連後陸終之子也

伯氏有二晉中行伯後或言伯益後亦為伯氏

士氏有二隰叔為晉士師以官氏又士季氏後以字氏

渠丘氏有二莒君居渠丘故氏焉又漢彭城王後亦氏渠

丘

王氏有四姬姓王二族媯姓王一族子姓王一族虜姓王

四族

任氏有三黃帝二十五子得姓為任者後以姓氏顯帝少

子陽封于任後以國氏又風姓之國太昊後亦以國氏

諸葛氏有二葛伯之後居諸縣為諸葛有熊氏之後有詹

葛氏訛為諸葛

偃氏有二有偃氏之國後為偃氏又皐陶之後姓偃亦以

姓氏

宣氏有二魯叔孫僑如謚宣伯與宋宣公之後並以謚氏
稷氏有二后稷後有稷氏叔孫通支孫亦為稷氏

溫氏有二唐叔虞後封溫以封氏又溫恩氏改溫氏

楊氏有六唐叔虞後封楊以封氏又周宣王子尚父封後
為氏又周景王後又晉公族楊食邑于羊舌凡三縣一
曰楊氏又楊突周賜姓獨孤氏隋復本姓又有莫胡盧
氏改楊氏

州氏有二晉州綽州賓後又淳于氏稱州公其後亦為州
氏

郭氏有二晉鄂侯之後又巴郡七姓郭其一也

元氏有五衛元咺之後食邑于元以邑氏又拓跋氏統骨氏是云氏景氏俱改為元氏

常氏有二衛康叔支孫食邑于常以邑氏又黃帝臣常先之後

京氏有二衛武公少子改封于京以邑氏又李氏改京氏盧氏有六齊太公後食采于盧以邑氏又盧葛氏出自桓公亦為盧又莫盧氏改為盧又范陽雷氏訛為盧又三原閭氏改為盧又章仇大翼隋煬帝賜姓盧

鮑氏有三禹後食采于鮑以邑氏又俟力氏改為鮑力代氏亦為鮑

屈氏有二屈瑕食邑于屈以邑氏又屈突氏改屈氏

陰氏有三夷吾六代孫為陰大夫以邑氏又陰康代之後
又後周賜姓丘曰陰氏

鹿氏有二趙大夫食采五鹿因氏又阿鹿元氏改鹿氏

裴氏有三伯益後封裴鄉以鄉氏又晉平公封顓帝裔于
裴中號裴君子孫以為氏又唐開元右驍衛大將軍踈
勒王裴夷健之後

陸氏有二田敬仲之後封平原陸鄉以鄉氏又代北有部
落大人號赤陸孤氏後魏孝文遷洛陽改陸氏

麋氏有二楚大夫受封于南陽麋亭以亭氏又工尹麋之
後以名氏

稽氏有二夏少康封子季舒于會稽遂為稽氏漢初改嵇

氏又範菑氏改菑氏

開氏有二一開令尹喜之後一夏大夫開龍逢之後

丘氏有三太公都營丘支庶以地氏又丘林氏丘敦氏並
改丘氏

艾氏有二大夫艾孔之後又河南官氏志艾斤氏改艾氏
申屠氏有二申侯後居安定屠原以地氏又申徒氏改申

屠氏

門氏有四周禮公卿之子入王端門教以六藝謂之門子
其後為氏又河南官氏志有叱門氏吐門氏庫門氏並
改門氏

姜氏有二炎帝生于姜水因生為姓其後太公封于齊于

孫以國為氏或以姓為氏又桓廷昌上元中准制改姜氏

無婁氏有二莒子無婁之後又無婁先生之後

姒氏有三伯鯨之姓又官氏志似亦改為姒又渴侯氏改姒氏

漆氏有三郎瞞之國姓漆又為氏又漆室女後又漆雕開後亦單為漆氏

林氏有三周平王庶子林開之後固以為氏又比干子堅避長林遂為氏義丘林氏改為林

家氏有二家父後以字氏又魯有子家氏亦為家氏吉氏有二尹吉甫之後又姁氏改吉氏

奇氏有二伯奇之後以王父字氏又河南官氏志奇斤氏
改奇氏

齊氏有二晉大夫齊桓後以字氏又赫齊氏後亦為齊氏
石氏有二靖伯之孫石蜡有功平衛世為衛大夫其後以
字氏又烏石蘭氏改石氏

靈氏有三宋大夫子靈之後又文公之子公子圍龜字子
靈以字氏又齊靈公之後以謚氏

乙氏有二湯字天乙支孫因以王父字氏又河南官氏志
乙弗氏改乙氏

賀氏有三即慶氏也漢慶氏避諱改賀氏又賀蘭氏賀賴
氏並改賀氏

顏氏有二邾夷父字顏公子孫以為氏又王儉譜云顏氏出自魯侯伯禽支庶食采顏邑因氏焉

潘氏有二楚之公族以字氏又破羅多氏改潘氏

吳氏有二吳英氏之後一云少昊之後

甲氏有二太甲之後又鄭大夫石甲之後

龍氏有二舜臣龍為納言以名氏又董父已姓以能畜龍故賜氏為豢龍氏子孫以為氏

輿氏有二周大夫伯輿後以王父字氏又莫輿氏改輿氏
晁氏有二周景王子王子朝後又衛大夫史晁後

狐氏有二周平王子王子狐後以名氏又唐叔後世為晉

卿

萬氏有三畢萬後以名氏又芮伯萬之後又吐萬改萬氏
蘭氏有三鄭穆公名蘭以王父名氏又南匈奴四姓有蘭
氏又河南官氏志烏蘭氏改蘭氏

高氏有四公子高之後以名氏又惠公之子析字子高亦
為高氏又高麗羽真氏改高氏又是婁氏改高氏

駱氏有二齊太公之後公子駱以名氏又地駱拔氏改駱
氏

奚氏有二奚仲之後又薄奚氏改奚氏

督氏有二宋大夫華督父之後以名氏又巴郡蠻酋有督
氏

和氏有二義和之後以名氏又後魏素和氏改和氏

由氏有二由余相秦子孫氏焉又楚王孫由丹亦為由氏
渾氏有三渾良夫之後又吐谷渾氏改渾又唐表渾氏出
自匈奴渾邪王隨拓跋氏徙河南因以為氏
狼氏有二晉大夫狼譚之後又叱奴氏改狼氏
顓氏有二周太顓後又晉大夫顓頊後

柯氏有二吳公子柯廬後又柯拔氏改柯氏

荀氏有二黃帝後有荀實荀參或以河內多枸杞因以為
氏又若干氏改荀氏

古氏有二古公亶父之後又吐奚氏改古氏

左氏有二齊公族有左右公子因以為氏楚有左史官亦
為左氏

單丹氏有三可丹氏改單氏又阿單氏渴丹氏俱改單氏
雲氏有二縉雲氏之後又連宥氏改雲氏

鳥氏有三少昊氏以鳥名官以世功命氏又唐表鳥餘之
裔又鳥石蘭改鳥氏

史氏有二周大夫史佚後以官氏又阿史那氏改史氏
山氏有三周山師掌山林之官以官氏又烈山氏後又吐
難氏改山氏

冠氏有三周蘇忿生為司冠子孫以官氏又衛康叔為周
司冠支孫以官氏又後魏改四引氏為冠氏

宗氏有二周大夫宗伯後以官命氏又楚少子宗家于南
陽以王父字氏

衡氏有二伊尹為湯阿衡子孫以衡為氏又魯公子衡之後以王父字氏又袁氏改衡氏

阿氏有三伊尹為阿衡支孫以官氏又阿伏氏阿賀氏並改阿氏

庫氏有二漢倉氏庫氏以官氏又庫儋官氏改庫氏僕氏有二周禮僕人之後又僕蘭氏改僕氏

皇氏有三皇之後氏焉又皇甫克石之後以字氏侯氏有三魯侯縉之後子孫適他國稱侯氏以爵為氏又夏后氏之裔又古列氏改侯氏

陶氏有三陶唐氏之後氏焉又虞思為周陶正亦氏焉又左傳商人七族有陶

卜氏有二周禮卜人氏又須卜氏改卜氏

竇氏有二少康母逃出自竇支孫以竇為氏又鮮卑賜姓
鉞豆陵氏後魏孝文改竇氏

車氏有二田千秋號車丞相子孫氏焉又後魏踈屬車棍
氏改車氏

桓氏有三齊桓公後以謚氏又宋桓公後向魋亦為桓氏
又烏桓氏改桓氏

穆氏有二宋穆公後又丘穆陵氏改穆氏

宣氏有二叔孫僑謚宣伯以謚氏又宋宣公後

靖氏有二單靖公後以謚氏又齊田氏族靖郭君後

公孫氏有二春秋時諸侯之孫以為氏者曰公孫氏又黃

帝姓公孫亦以為氏

利氏有二楚公子食采于利後以為氏又叱利氏改利氏
木氏有二端木賜之後避仇改木氏又百濟八姓其五曰
木氏

箕氏有二一夏世箕伯之後姚姓也一紂叔箕子之後子
姓也

文獻通考卷之二百八終